

六家詩名物疏卷四十

海虞馮復京嗣宗輯著

小雅谷風之什

谷風篇

頽

爾雅云。焚輪謂之頽。李巡曰。焚輪暴風從上來降。謂之頽。頽下也。孫炎曰。迴風從上下曰頽。且頽而

藜莪篇

蔚

爾雅云。蔚。牡菽。某氏曰。江河間曰菽。邢氏曰。蔚即蒿之雄無子者。○陸機云。牡蒿也。三月始生。七月華。華似胡麻華而紫赤。八月為角。角似小豆。銳而長。一名馬薪蒿。○本艸。馬先蒿。陶隱居云。一名爛石艸。唐本注云。葉如芫蔚。紅白色。實八月九月孰。俗謂之虎。芫蔚苗短小。子夏中孰。而初生二種極相似。○陸佃云。蔚大於蒿。○羅氏曰。蔚無子者。今青蒿葉端皆作子如米大。蔚獨無耳。○按爾雅。蔚之醜。秋為蒿。蔚即蒿之大者。莪莖可

生食。蒸食香美。至秋則變為蒿蔚矣。故以喻父母生子。以為美材。而卒不得終養也。朱子此解勝于舊注。但莪美菜。蒿賤艸之訓。似以為二物。未精明耳。蔚古人皆以為無子。故曰牡菽。而本艸注云。八九月有實。圖經云。入藥當用有子者為正。未知何以矛盾。

餅

編音橘

說文。餅。舊也。或从瓦作甁。○易云。汔至亦未繙井。羸其餅凶。○左傳云。挈餅之知。守不假器。○淮南

詩名物疏

卷四十一

一

子云。古者抱瓶而汲。○朱傳云。瓶小罍大。皆酒器。○詩緝云。井卦言羸其瓶。楊雄酒箴。以鴟夷。嘲瓶。柳子厚瓶賦。以瓶嘲鴟夷。蓋鴟夷盛酒器。瓶汲水器也。

大東篇

匕

傳云。匕所以載鼎實。疏云。雜記云。匕用桑。長三尺。謂喪祭也。待賓客之匕。禮宜用棘。○易曰。不喪匕鬯。○特牲禮。棘心匕刻。又云。右人於鼎北匕肉。左

提湯堯反

批肯此

栖息利反

人於鼎西升諸俎。少牢饋食禮。雍人概鼎匕于饗。饗廩人概甑。匕與敦于廩。饗有司徹。司馬以二手執。兆匕枋以挹。涪注于疏匕。若是者三。又云。雍人雍府加匕于鼎。東枋。雍人覆二疏匕于俎上。○雜記云。批以桑。長三尺。或曰五尺。○三禮圖云。匕以載牲體。長二尺四寸。葉博三寸。漆丹柄頭。疏匕形如飯操。以棘心為之。○說文云。栖匕也。所以取飯。○陳氏云。匕之別有四。有黍稷之匕。有牲體之匕。有疏匕。有喪匕。三匕以棘。喪匕以桑。廩人之所

概黍稷之匕也。雍人之所概。牲體之匕也。牲體之匕。挑匕也。其制則黍稷之匕。小于挑匕。挑匕小于疏。特牲少牢有司徹公食昏禮。舉鼎執匕俎。皆異其人。士喪禮。執匕執俎。皆舉鼎者為之。吉禮尚文。喪禮尚畧。故也。特牲。右人于鼎。北匕肉。左人于鼎。西載諸俎。士虞禮。則右人載者。以吉禮尚右。喪禮尚左。故也。

砥

禹貢。荊州厥貢。礪砥。蔡氏云。礪砥。皆磨石。砥。

以細密為名。礪以麓。礪為稱。

杼

說文云。杼。持緯者也。○曹氏云。梭也。○淮南子云。伯余之初。作衣也。綵麻作縷。手經指柱。後世為之。機杼。以便其用。

綵他雙

杼

朱傳云。受經者。○董氏云。卷織者也。

沈泉

爾雅云。沈泉。穴出。穴出。又出也。李巡曰。水泉從旁。

出曰沈。○釋名云。沈軌也。流狹而長。如車軌也。

穫

爾雅云。穫落。某氏曰。可作杯圈。皮鞞繞物不解。郭璞曰。穫音獲。可為杯器素也。○陸機云。今柳榆也。其葉如榆。其皮堅韌。剝之長數尺。可為絙索。又可為甌帶。其材可為杯器。

熊羆裘

傳云。言富也。○禮書云。周禮。甸氏掌攻螫獸。各以其物火之。以時獻其皮革。鄭氏曰。螫獸。熊羆之屬。

冬藏者。爾雅云。羆如熊。黃白文。詩曰。舟人之子。熊羆是裘。則熊羆亦裘之美者也。

冥首見

箋云。周世臣子孫。退在賤官。使搏熊羆。在冥氏。穴氏之職。○周官。冥氏。下士二人。穴氏。下士一人。冥氏。掌設弧張。為阱。獲以攻猛獸。以靈鼓。毆之。穴氏。掌攻螫獸。各以其物火之。

僚

釋詁云。僚。官也。○周官云。唐虞稽古。建官惟百。內有百揆。四嶽。外有州牧。侯伯。夏商官倍。○小宰云。

天官屬六十。地官屬六十。春官屬六十。夏官屬六十。秋官屬六十。冬官屬六十。○禮記云。有虞氏官五十。夏后氏官百。殷二百。周三百。○左傳云。同官為僚。○楊用修云。寮。小僚。古謂同官為寮。亦指齋署。同僚為義。

漿釋名云。漿。將也。飲之寒温多少。與體相將順也。○周禮。酒正辨四飲之物。三日漿。注。漿。今之截漿。疏。此漿亦是酒類。漿。人掌。王之六飲。水。漿。醴。涼。醫。

截昨再反

醕入于酒府。○禮記。進食之禮。酒漿處右。又云。飲漿。水醕。注云。漿。酢。截。○管子云。左酒右漿。○素問云。今時之人。以酒為漿。以妾為常。立天官。

漢爾雅云。析木謂之津。箕斗之間。漢津也。注云。箕。龍尾。斗。南斗。天漢之津梁。○大戴禮云。七月。漢紫戶。○括地象云。河精上為天漢。○天官書云。漢者金

璣詳見衛風。遂。

漢爾雅云。析木謂之津。箕斗之間。漢津也。注云。箕。龍尾。斗。南斗。天漢之津梁。○大戴禮云。七月。漢紫戶。○括地象云。河精上為天漢。○天官書云。漢者金

尾。斗。南斗。天漢之津梁。○大戴禮云。七月。漢紫戶。○括地象云。河精上為天漢。○天官書云。漢者金

○括地象云。河精上為天漢。○天官書云。漢者金

○天官書云。漢者金

寺名勿流

之散氣其本曰水。漢星多則多水，少則旱。○晉書云：天漢起東方，經尾箕之間，謂之漢津，乃分爲二道。其南經傅說、魚、天籥、天弁、河鼓，其北經龜、貫箕、下、次、絡、南斗、魁、左旗，至天津下而合南道，乃西南行，又分夾瓠瓜、絡人星、杵、造父、騰蛇、王良，傳路閣道，北端太陵、天船、卷舌，而南行，絡五車，經北河之南，入東井水位，而東南行，絡南河、關丘、天狗、天紀、天稷，在七星南而沒。○唐志云：雲漢自坤抵艮爲地紀，北斗自乾攜巽爲天綱。○物理論云：星者，元

氣之英也。漢水之精也。氣發而升，精華上浮，宛轉隨流，名之曰天河。一曰雲漢。衆星出焉。○抱朴子云：天河從北極分爲兩頭，隨天而轉，入地下過。○博物志云：舊說天河與海通。

織女

漢書云：婺女，其北織女，織女，天女孫也。○晉書云：織女三星，在天紀東端，天女也。主果蓏絲帛珍寶。王者至孝，神祇咸喜，則織女星俱明，天下和平。大星怒角，布帛貴。○焦林大斗記云：天河之西，有星

煌煌與參俱出。謂之牽牛。天河之東有星微微在
氏之下。謂之織女。○續齊諧記。成武丁云。七月七
日。織女當渡河。暫詣牽牛。世人至今云。織女嫁牽
牛也。

牽牛

爾雅云。星紀斗牽牛也。注。牽牛斗者。日月五星之
所終始。故謂之星紀。又云。何鼓謂之牽牛。注。今荆
楚人呼牽牛星為檐鼓。檐者何也。疏。如此文。則牽
牛何鼓一星也。漢書以為二星。郭注順經為說。○

漢書云。牽牛為犧牲。其北河鼓。河鼓大星。上將。左
左將。右。右將。○晉書云。牽牛六星。天之關梁。主犧
牲事。其北二星。一曰即路。一曰聚火。又曰。上一星
主道路。次二星主關梁。次三星主南越。搖動變色
則占之。星明大。王道昌。關梁通。

服

傳云。服。牝服也。○周禮云。大車牝服二柯。有參分
柯之二。羊車二柯。有參分柯之一。柏車二柯。注。大
車。牝服。長八尺。謂較也。羊車較長七尺。柏車較六

尺。外則長八尺。前則長一丈。後則長一丈。左則長一丈。右則長一丈。禮書云。輿人之車箱。廣六尺六寸。隧四尺四寸。廣而不方。車人之車箱。方而不廣。○疏云。兩較內容物之處為箱。

長庚 星主開采六三星主南強許通變

傳云。日旦出謂明星為啓。明。日既入謂明星為長庚。庚。庚。續也。疏云。啓明是太白。長庚不知何星。或一星出在東西而異名。或二者別星未能審也。○廣

雅云。太白謂之長庚。或謂之太囂。注。晨見東方為啓明。昏見東方為長庚。○前漢天文志云。長庚廣如一匹布著天。此星見起兵。○鄭樵曰。啓明金星。長庚水星。金在日西。故日將出則東見。水在日東。故日將沒則西見。實二星也。按天文志所云。長庚乃變異之象。非每昏常見者也。

畢 對五王 畢末加天也

爾雅云。濁謂之畢。○史記天官書云。畢曰罕車。為

詩名物疏 卷四 九 潘

邊兵主弋獵。○後漢蘇竟傳云。畢為天網。主網羅無道之君。故武王伐紂。上祭于畢。求助天也。○漢書云。西方為雨。雨少陰之位也。月失中道。移而西入畢。則多雨。書曰。星有好風。星有好雨。○晉書曰。畢八星。主邊兵。主弋獵。其大星曰天高。一曰邊將。主四夷之尉也。星明大。則遠夷來貢。天下安。失色則邊兵亂。月入畢。多雨。○補注曰。晉書金泉

斗

朱傳云。箕斗二星。以夏秋之間。見於南方。云北斗

者。以其在箕之北也。或曰。北斗。常見不隱者也。○

晉書云。北方南斗六星。天廟也。丞相太宰之位。主

褒賢進士。稟授爵祿。又主兵。一曰天機。南二星。魁

天梁也。中央二星。天相也。北二星。天府庭也。亦為

壽命之期。將有天子之事。占于斗。斗星盛明。王道

平和。爵祿行。

易是類謀曰。斗機絕綱。玉衡撥。攝提亡。五星合。狼

狐張。鄭玄云。斗者天中之精。天失其平。故斗機絕

綱。玉衡撥也。攝提者。斗前之星。為斗施政教布之

八野。今斗失其政，故攝提亦爲之亡不見也。○文耀鉤云：斗者天之喉舌，玉衡屬杓，魁爲璇璣。○斗威儀曰：審候五色，宋均注曰：北斗七星有五色宮，商角徵羽各應其星。○關令內傳曰：北斗一星面百里，相去九萬里，置二十四氣，四宿行四時，五方立五星，主五嶽也。○石氏云：第一曰正星，主陽德，天子之象也。二曰法星，主陰刑，女主之位也。三曰令星，主中禍。四曰伐星，主天理，伐無道。五曰殺星，主中央，助四旁，殺有罪。六曰危星，主天倉，五穀。七

曰部星，亦曰應星，主兵。○晉書云：北斗七星在大微北，七政之樞機，陰陽之元本也。故運乎天中，而臨制四方，以建四時而均五行也。魁四星爲璇璣，杓三星爲玉衡，又曰斗爲人君之象，號令之主也。又爲帝車，取乎運動之義也。又魁第一星曰天樞，二曰璇，三曰璣，四曰權，五曰玉衡，六曰開陽，七曰搖光。一至四爲魁，五至七爲杓，樞爲天，璇爲地，璣爲人權，爲時，玉衡爲音，開陽爲律，搖光爲星。

四月篇

釋名云暑。煮也。如煮物也。○書曰。哲時燠若。豫恒燠若。○禮曰。季夏之月。土潤溽暑。○稽覽圖曰。夏至之後三十日極溫。○五經通義曰。冬至陽動于下。推陰而上之。故大寒于上。夏至陰動于下。推陽而上之。故大熱于上。故易云。日月運行。一寒一暑。日在牽牛則寒。在東井則暑。牽牛外宿遠人。故寒。東井內宿近人。故溫也。○荀爽傳云。夏則火旺。其火在天。溫煖之氣。養生百木。

鶡

鶡鶡字

說文云。鶡。雕也。从鳥。敦聲。詩曰。匪鶡匪鶡。雕。鶡也。鶡。鳥黑色多子。師曠曰。南方有鳥。名曰鶡。鶡黃頭赤目。五色皆備。○疏云。雕之大者名鶡。○廣雅云。鶡。雕也。○倉頡解詁云。鶡。金喙鳥也。見則天下兵能擊殺麀鹿。○漢書云。鶡鳥累百。不如一鶡。○埤雅云。雕能食艸。似鷹而大。黑色。俗呼鳧雕。其飛上薄雲。漢性刻制。今大雕翱翔水上。扇魚令出沸波。攫而食之。一名沸河。六翮乘風輕勁。堪為箭羽。○

雅翼云。雕者鶚之類。土黃色。捷飛擊。沙漠中空中。盤旋無細不覩。亦能食麀鹿之屬。可謂鷲有力矣。就即大雕。○山海經云。景山多鷲。黑色多力。○禽經云。雕以周之鷲以就之。又云。沸河在岸則魚涌。○相感志云。其毛能食諸鳥羽。如羣錯艸中有雕毛。必眾鳥毛羽自落地。

鷲

倉頡解詁云。鷲。鷲也。○說文云。鷲。鷲鳥也。○爾雅云。鷲鳥醜。其飛也翔。○禽經云。鷲不擊有貪。注不

鷲搏擊。貪于攫肉。又云。風翔則風注。風禽。鷲類。越人謂之風伯。飛翔則天大風。○抱朴子云。鷲飛在下無力。及至乎上。聳身直翅而已。○陶隱居云。鷲飛騰江湖間。捕魚食之。○埤雅云。釋鳥。鷲飛也。翔高飛曰翔。布翼不動曰翔。鷲。鷲也。摩風回翔。曲禮曰。前有塵埃。則載鳴鷲。鷲鳴則將風故也。

棟

棟

爾雅云。棟。赤棟。白者棟。某氏曰。白色為棟。其色雖異。為名同。江河間棟可作鞍。鄆璞曰。赤棟。樹葉細

而岐銳皮理錯戾好叢生山中中為車輞○陸機云椶葉如柞皮薄而白其木理赤者為舜椶一名夷白者為椶木皆堅韌今人以為車轂

北山篇

高飛曰鞅鞅亦異不惟曰鞅直取也率風回飄曲鞅

疏云鞅讀如馬鞅之鞅○說文鞅頸皮也○釋名

云鞅嬰也喉下稱嬰言纓絡之也○左傳注云在

腹曰鞅

掌

釋名云掌言可以排掌也

小明篇

上天

爾雅云冬為上天李巡曰冬陰氣在上萬物伏藏故曰上天○毛傳云自上降鑒則稱上天

云入至荒野二十日蘇氏曰荒地名○詩豐圖

毛氏曰遠荒之地○蘇氏曰荒地名○詩豐圖

釋名云寒捍也捍格也○書云謀時寒若急恒寒

詩名物疏

詩名物疏

行

若。○禮記云。季秋之月。霜始降。乃命有司曰。寒氣
 總至。民力不堪。其皆入室。又云。天地嚴凝之氣。始
 於西南。而盛於西北。此天地之義氣也。○稽覽圖
 云。冬至之後。三十日極寒。○國語云。火見而清風
 戒寒。上天○子前六日。上刺。器。既。休。上。天。
 廣雅云。尉。鬲。魚。網。謂。之。鬲。

除

箋云。四月為除。○爾雅云。四月為余。李巡曰。四月

萬物皆生枝葉。故曰余。余舒也。孫炎曰。物之枝葉
 敷舒。

鼓鍾篇

禹貢云。導淮自桐柏。東會于泗沂。東入于海。○山

海經。淮水出餘山。○水經云。淮水出南陽皮氏縣

胎簪山。東北過桐柏山。○春秋說題辭云。淮出桐

柏。淮者均也。均其務。○釋名云。淮。圍也。圍繞揚州

自北界東至海。○一統志。淮水在河南河南府唐

縣東南一百八十里。即禹貢導淮自桐柏者。天下有四瀆。此其一也。今桐柏支岡有水泉。潛流三十里。東出大復山。經汝寧信陽縣。東流會泗沂。自泗州龜山北。流入淮安府界。滎河府城東入于海。

周禮鼓人以鼗鼓鼓役事。鞀人為皐鼓。長尋有四尺。鼓四尺。倨勾磬折。○樂書云。鼗鼓以皐為義。欲役之緩。謂之皐鼓。皐鼓中高而兩端下。

三洲

葉姑曰。余余詩世所父曰。彭公。彭公。彭公。

疏云。水中可居曰洲。淮上地也。

笙磬

毛云。笙磬。東方之樂。朱云。琴瑟在堂。笙磬在下。

釋名云。磬。磬也。聲堅。磬磬然。堅緻也。○爾雅云。大

磬。謂之磬。注云。磬形似犁鋤。以玉為之。又云。徒擊

磬。謂之蹇。○尚書夔云。於予擊石拊石。百獸率舞。

庶尹允諧。又云。徐州泗濱浮磬。○周禮。小師正樂

縣之位。凡縣鐘磬。半為堵。全為肆。眡瞭。掌擊頌磬。

笙磬。磬師掌教擊磬。擊編鐘。教縵樂。燕樂之鐘磬。

磬。慮嬌友。館音貫。蹇。紀展反。

磬氏爲磬。倨勾一矩有半。其博爲一。股爲二。鼓爲三。參分其股博去一以爲鼓博。參分其鼓博以其一爲之厚。已上則摩其旁。已下則摩其端。○儀禮大射。樂人宿縣于阼階東。笙磬西面。西階之西。頌磬東面。注云。笙猶生也。東爲陽中。萬物以生。是以東方鐘磬謂之笙。皆編而懸之。言成功日頌。西爲陰中。萬物之所成。是以西方鐘磬謂之頌。○禮記云。石聲磬。磬以立辨。辨以致死。君子聽磬聲則思死。封疆之臣。又云。叔之離磬。○世本云。無句作磬。

堯臣也。○樂錄云。磬叔所造。○通禮義纂云。黃帝使伶倫造磬。○白虎通云。磬者夷則之氣也。象萬物之盛也。有貴賤焉。親疎焉。長幼焉。三者行。然後王道得。萬物成。天下樂用磬也。○樂經云。黃鐘磬前長二律二尺七寸。後長二律一尺八寸。此謂特懸大磬。配鐃鐘者也。孔子在衛所擊。謂編磬。○鬻子注云。磬聲消躁而近于悲。故憂而擊磬。○樂書云。石堅實而不動。其卦則乾。其時則秋冬之交。其方則西北之維。其風不周。其聲尚角。其音則辨。立

冬之氣也。先王以為磬之屬焉。小華之山其陰多磬。鳥危之山其陽多磬。高山涇水出焉。其中多磬。要之一適陰陽之和者。泗濱所貢浮磬而已。其用編之則雜而小。離之則特而大。

音

樂記云。凡音之起。由人心生也。人心之動。物使之然也。感于物而動。故形于聲。聲相應。故生變。變成方。謂之音。比音而樂之。及于戚羽旄。謂之樂。○周禮。太師播之以八音。金石土革絲木匏竹。又云。教

六詩以六律為之音。

雅

箋云。雅萬舞也。

詳見邶風

朱傳云。雅二雅也。○子夏曰。言天下之事。形四方之風。謂之雅。雅者正也。言王政之所由廢興也。政有小大。故有小雅焉。有大雅焉。○周禮。太師教六詩。曰風。曰賦。曰比。曰興。曰雅。曰頌。以六德為之本。以六律為之音。○鄉飲酒禮。燕禮云。工歌鹿鳴。四牡。皇皇者華。笙入樂。南陔。白華。華黍。乃間歌。魚麗。

言不... 卷四
二百九十
笙由庚。歌南有嘉魚。笙崇丘。歌南山有臺。笙由儀。乃合樂。燕禮又云。若以樂納賓。升歌鹿鳴。下管新宮。大射云。歌鹿鳴。管新宮。○左傳穆叔云。文王兩君相見之樂也。鹿鳴君所以嘉寡君也。四牡君所以勞使臣也。皇皇者華。君教使臣。五善。季札請觀。于周樂。爲之歌。小雅曰。美哉思而不貳。怨而不言。其周德之衰乎。猶有先王之遺民焉。爲之歌。大雅曰。廣哉熙熙乎。曲而有直體。其文王之德乎。

南

傳云南夷之樂曰南。○薛君章句云。四夷之樂惟南。可以和平雅者。以其人聲及籥不僭差也。○文王世子云。胥鼓南。注云。南南夷之樂也。胥掌以六樂之會。正舞位。明堂位曰。昧。東夷之樂也。任。南蠻之樂也。納夷蠻之樂於大廟。言廣魯於天下也。○周禮。大司馬。辨九舞。一曰。大饗。二曰。大飗。三曰。大舞。四曰。大韞。五曰。大濩。六曰。大夏。七曰。大濩。八曰。大武。九曰。大濩。○大司馬。辨九舞。一曰。大饗。二曰。大飗。三曰。大舞。四曰。大韞。五曰。大濩。六曰。大夏。七曰。大濩。八曰。大武。九曰。大濩。○亦如之。旄人掌教舞。散樂。舞夷樂。鞀。鞀氏掌四夷之樂。與其聲。歌。祭祀則歌。而歌之。燕亦如之。○孝經。鈞命決云。東夷之樂曰昧。持矛助時生。南夷之

鞀在反

飲吹同

樂曰任。持弓助時養。西夷之樂曰柷。離持鉞助時。殺。北夷之樂曰禁。持盾助時。藏。皆於四門之外。右辟。○樂元語曰。南夷之樂曰兜。西夷之樂曰禁。北夷之樂曰昧。東夷之樂曰離。東夷持矛舞。南夷持羽舞。西夷持戟舞。北夷持干舞。○白虎通曰。南之為言任也。任養萬物。一說東方持矛。南方歌。西方戚。非方擊金。○正義云。言南得總四夷者。以周之德先致南方。

朱傳云。南。二南也。○呂氏春秋云。塗山氏女令其

妾待禹於塗山之陽。女乃作歌曰。候人兮猗。實始作為南音。周公及召公取風焉。以為周南。召南。○周禮樂師。凡射。王以騶虞為節。諸侯以貍首為節。大夫以采蘋為節。士以采芣為節。磬師教燕樂之鍾磬。注。燕樂。房中之樂。所謂陰聲也。鐘師。凡祭祀饗食。奏燕樂。笙師。燕樂。共其鍾笙之樂。○鄉飲酒禮。笙入間歌。乃合樂。周南。關雎。葛覃。卷耳。召南。鵲巢。采芣。采蘋。注云。王后國君夫人房中之樂歌也。又云。乃息司正。鄉樂。惟欲。注云。鄉樂。周南。召南。六

詩名物疏卷四
篇之中。唯所欲作。不從次也。鄉射禮。笙入。立于縣
中西面。乃合樂。周南關雎。葛覃。卷耳。召南鵲巢。采
芣采蘋。又云。歌騶虞。若采蘋。皆五終。燕禮。間歌魚
麗。以下至笙。由儀。遂歌鄉樂。周南關雎。葛覃。卷耳。
召南鵲巢。采芣采蘋。若以樂納賓。笙入三成。遂合
鄉樂。若與四方之賓。燕有房中之樂。注云。絃歌周
南。召南之詩。而不用鍾磬之節也。謂之房中者。后
夫人所諷誦。以事君子。○左傳。吳公子札。請觀于
周樂。爲之歌。周南。召南。曰。美哉。始基之矣。猶未也。
然勤而不怨矣。

弟述京校

六家詩名物疏卷四十終

詩名物疏

卷四

三

少

六家詩名物疏卷四十一

六家詩名物疏卷四十一

海虞馮復京嗣宗輯著

小雅谷風之什二

楚茨篇上

倉

釋名云。倉。藏也。藏穀物也。○月令云。季春。發倉廩。賜貧窮。孟冬。命有司。修困倉。務積聚。○周禮。倉人。掌粟入之藏。辨九穀之物。以待邦用。若穀不足。則止餘散用。有餘則藏之。以待凶而頒之。

庾

釋名云。庾。裕也。言盈裕也。○周語云。野有露積。韋昭云。庾。露積穀也。○疏云。庾。積粟未入倉。露地積聚之。九章算術。平地委粟是也。

享祀

疏云。享祀。雖總於祭。因在前。則為灌及朝踐。○郊特牲云。周人尚臭。既灌。然後迎牲。詔祝於室。坐尸於堂。注云。謂朝事時也。○禮書云。尸入。既裸于室。然後延之於戶西。坐于主東南面。行朝踐之禮。是

時君出迎牲。蕭載臍骨。合黍稷。燔于爐。然後詔以羹定焉。其禮亦謂之朝事。又謂之朝獻。以象朝時之所養也。

妥

疏云。妥。侑當饋食之節。○郊特牲云。舉畢角。詔妥尸。注云。妥。安坐也。尸始入。舉奠。畢若奠角。將祭之。祝則詔主人拜安尸。使之坐。尸即至尊之坐。或時自不安。時則以拜安之。○少牢禮云。尸即席坐。主人拜妥尸。即奠。○賈公彥云。天子諸侯大夫士。雖

同名饋食。仍有小別。何者。天子諸侯食前仍有饋獻。一是饋孰。陰厭陽厭。尸入室乃獻。大夫士則饋孰與黍稷為陰厭。陽厭前無饋獻。以此為異耳。○禮書云。羹定。詔於堂。然後延主于奧。尸坐其北。主人拜受尸。而奠爵舉焉。俎則載合亨之孰。而簠簋之黍稷進焉。又云。周官掌次。祭祀張尸。次于廟門之西。及其入也。主人立于阼階。東西南面。尸盥而進。升自西階。主人升自阼階。祝從尸。主人從祝。尸入即席。東面而坐。祝主人西南而立。皆拜受尸。尸

按詩書

答拜。遂坐而授祭。

侑

饜音格

擗音拜字

特牲禮云。尸三飯。告飽。祝侑之如初。○少牢禮云。尸三飯。又食。食載。又食。舉腊肩。又食。舉牢骼。又食。告飽。祝侑曰。皇尸未實侑。尸又食。舉牢肩。尸不飯。主人不言拜侑。尸又三飯。○太祝云。辨九擗。以享右祭祀。注云。右。讀為侑。勸尸食而拜。又云。逆尸。令鐘鼓。右亦如之。○鄭氏云。食大名。小數曰飯。士九飯。大夫十一飯。其餘有三飯。十五飯。賈公彥云。

寺名勿死

卷四十一

三

尤

言名物正 卷四 三頁九步
一口謂之一飯。士三飯。即告飽而侑。大夫七飯。告飽而侑。諸侯九飯而侑。天子十一飯而侑。

絜牛羊

疏云。鮮絜爾王者所祀之牛羊。於周禮。司徒奉牛。司馬奉羊。○劉執中云。絜者在滌而芻之也。○郊特牲云。帝牛必在滌三月。稷牛惟具。○周禮。充人掌繫祭祀之牲牲。祀五帝。則繫于牢。芻之三月。享先王亦如之。

按絜字。古屑奚結二音。潔字古通作絜。故孔疏云。鮮絜所祀之牛羊也。朱傳無明說。今俚儒以絜為度。義出自妄臆。

剝

鄭云。有解剝其皮者。○禮運曰。腥其俎。孰其殽。注云。腥。謂豚解而腥之。孰。謂體解而爛之。孔氏云。豚解腥之。是解剝其肉。體解爛之。是煮熟之者。陳祥道云。國語曰。禘郊之事。則有全胄。王公立飫。有房脊。親戚燕飲。有殺脊。全脊。豚解也。房脊。體解也。殺脊。骨析也。士喪禮。特豚四髣去蹄。兩胎脊。既夕。鼎

實羊左胖亦如之。然則四鬣者。殊左右肩髀而為四。又兩肋一脊而為七。此所謂豚解也。士喪禮略豚解而已。至虞然後豚解體解兼有焉。若夫正祭。則天子諸侯有豚解體解。大夫有體解。無豚解。以其無朝踐獻腥之禮故也。○周禮內饗。凡宗廟之祭祀。掌割亨之事。司士。凡祭祀。帥其屬而割牲。

亨

周禮內饗。掌王及后世子膳羞之割亨煎和之事。凡宗廟之祭祀。掌割亨之事。外饗。掌外祭祀之割亨。共其脯修刑臠陳其鼎俎。實之牲體魚腊。凡賓客之饗。殮饗食之事亦如之。邦饗耆老。孤子士庶子。掌割亨之事。亨人。掌共鼎鑊。以給水火之齊。職外內饗之爨。亨煮。辨膳羞之物。祭祀共太羹鉶羹。賓客亦如之。

肆

傳云。肆陳也。或陳于牙。疏地官牛人云。凡祭祀共其牛牲之牙。注云。牙。若今屠家縣肉架。則肆謂既殺。乃陳之於牙上也。

膾到反

膾音各

戶角反

膾音益

箋云。有肆其骨體于俎者。釋文肆。他歷反。○禮運云。然後退而合亨。體其犬豕牛羊。注云。謂分別骨體之貴賤。以為眾俎也。○禮書云。周禮王之牲事。冢宰太僕贊之。五官共奉之。內饗外饗。割亨之。司士帥其屬而割羞。諸子正其牲體。肱骨三。肩臂膾也。股骨三。肫膈蔽也。脊骨三。正脊。脰脊橫脊也。脅骨三。代脅長脅。脰肩也。正脊之前則膾也。肫之上則髀也。然則左右肱之肩臂膾。與左右股之肫膈。蔽而為十有二。脊骨三。與左右脅骨六。而為九。二

蔽正祭不薦於神尸。主人之俎。兩髀不升於主人主婦之俎。膾不升於吉祭之俎。則祭之所用者。去髀膾而二十有一。去二蔽而為十九矣。祭統曰。商人貴髀。周人貴肩。以周人之禮觀之。脅貴中而賤。兩端骨貴右而賤左。貴前而賤後。貴上而賤下。

將

傳云。將。齊也。王肅云。分齊其肉所當用。

箋云。有奉持而進之者。疏云。是司徒小子之類。然羣臣助祭。各有所掌。奉持進之。非獨此二職而已。

言人... 卷四十一
三十七
○大司徒云。祀五帝。奉牛牲。羞其肆。享先王亦如之。小子職云。掌祭祀。羞羊肆。羊殺肉豆。

祝

周禮太祝掌六祝之辭。以事鬼神示祈福祥。求永貞。掌六祈。作六辭。辨六號。九祭。九拜。凡大禋祀肆享祭示。則執明水火而號祝。隋釁。逆牲。逆尸。令鐘鼓。右亦如之。來瞽。令臯舞。相尸禮。既祭。令徹小祝。掌小祭祀。大祭祀。逆盥盛。送逆尸。沃尸。盥贊。隋贊。徹贊。奠。凡事佐。大祝。喪祝。掌喪祭之祝。號。甸。祝。掌。

隨可規反

禮外反
祭為發

表。祭之祝。號。誼。祝。掌。盟。誼。類。造。攻。說。禴。祭。之。祝。號。○儀禮士喪既夕。有夏祝。商祝。士虞特牲饋食少牢饋食皆有祝。

祭

周禮大宗伯以吉禮事邦國之鬼神示。○尚書大傳云。祭之為言察也。察者至也。至者人事也。人事至然後祭。祭者薦也。薦之為言在也。在也者在其道也。○禮記云。禮有五經。莫重于祭。夫祭者非物自外至者也。自中出生於心者也。心怵而奉之以

禮是故惟賢者能盡祭之義

禘

爾雅云閉謂之門。鄭注引詩曰祝祭于禘。疏云案禘本廟門之名。設祭於廟門。因名其祭亦名禘。凡禘有二種。一是正祭之時。既設於廟。又求神於廟門之內。郊特牲云。索祭祝于禘。及詩云祝祭於禘。注云。禘平生門內之旁。待賓客之處。與祭同日也。二是明日繹祭之時。設饌於廟門外西室。亦謂之禘。即郊特牲注云。禘之禮宜於廟門外之西室。及

倛

禮器云為禘乎外是也。然則廟門內外皆有禘。○郊特牲曰。直祭祝于主。索祭祝于禘。不知神之所在。于彼乎。于此乎。或諸遠人乎。祭于禘。尚曰求諸遠者。與禘之為言倛也。○說文作鬻。云門內先祖所彷徨也。○王氏云。凡祀裸鬻則求諸陰。炳蕭則求諸陽。索祭祀于禘。則求諸陰陽之間。蓋蒐無不之。神無不在。求之之備如此。

神保

朱傳云。神保蓋尸之嘉號。○禮記曲禮云。為人子

武讀曰無

者祭祀不為尸。又云。孫可以為王父尸。子不可以為父尸。曾子問。孔子曰。祭成喪者必有尸。尸必以孫。孫幼則使人抱之。無孫則取于同姓可也。祭殤必厭。蓋弗成也。禮器云。周坐尸。詔侑武方。其禮亦然。其道一也。夏立尸而卒。祭殷坐尸。周旅酬六尸。郊特牲云。舉卑角。詔妥尸。古者尸無事。則立。有事而後坐也。尸神象也。小記。父為士。子為天子。諸侯則祭以天子。諸侯其尸服以士服。父為天子。諸侯子為士。祭以士。其尸服以士服。少儀。婦人為尸坐。

則不手拜。雜記。孔子云。尸弁冕而出。卿大夫士皆下之。尸必式。必有前驅。祭統云。尸諤。君與卿四人。餼尸在廟外。則疑于臣。在廟中。則全于君。又云。尸飲三。衆賓飲一。示民有上下也。○周禮。掌次。凡祭祀。張尸次。守祧。祭祀各以其服。授尸。大司樂。尸出入。則令奏肆夏。大祝。凡太禋祀。肆享祭。示則執明火而號祝。隋則執爨。逆牲。逆尸。令鍾鼓備。亦如之。相尸禮。小祝。大祭祀。逆尸。沃尸盥。節服。氏郊祀。裘冕二人。執戈送逆尸。士師。若祭勝國之社。則為之。

尸。祀五帝則沃尸。○士虞禮尸服卒者之上服。男
 男尸。女女尸。必使異姓。不使賤者。○逸禮記禘禮
 云。毀廟之主升合食而立二尸。○曾子云。王者宗
 廟以卿為尸。不以公為尸。辟嫌也。○禮書云。天子
 諸侯之尸。以卿大夫。則幼者不與。禮曰。尸必以孫。
 孫則使人抱之。此大夫士之禮。與喪禮始喪而奠
 則無尸。以人道事之也。既葬而祭則有尸。以神道
 事之也。祭祀同几則一尸。儀禮曰。男男尸。女女尸。
 謂虞祭也。大夫前祭一日筮尸。士前祭三日筮尸。

大夫于尸再宿而一戒。士于尸一宿而無戒。推而
 上之人君蓋亦前三日筮尸。而宿戒之儀。又加隆
 矣。

爨

釋名云。爨銓也。銓度。其辛調和之處也。○禮記云。
 孟夏其祀竈。又云。臧文仲焉。知禮。燔柴於竈。竈者
 老婦之祭也。故盛於盆。尊於瓶。又云。庶士庶人立
 一祀。或立戶。或立竈。○士虞禮側亨于廟門外之
 右。東面。魚腊。爨亞之。北上。饔爨在東北。西面。特牲

饋食主人視饔饗于西堂下亨于門外東方西面
北上記云牲饗在廟門外魚腊饗在其南饔饗在
西壁尸卒食而祭饔饗雍饗少牢饋食禮雍饗在
門東南北上廩饗在雍饗之北○淮南子云黃帝
作竈歿為竈神○白虎通云夏祭竈者火之主人
所以自養也

俎

周禮膳夫云王日一舉鼎十有二物皆有俎○禮
記云取俎進俎不坐又云鼎俎奇而籩豆偶陰陽

椀音斝
麇音鰈

之義也又云凡羞有俎者則於俎內祭其有折俎
者取祭反之不坐燔亦如之又云俎有虞氏以椀
夏后氏以斝殷以棋周以房俎又云三牲之俎八
簋之實美物備矣又云凡為俎者以骨為主骨有
貴賤殷人貴髀周人貴肩是故貴者取貴骨賤者
取賤骨俎者所以明惠之必均也○三禮圖云椀
長二尺四寸廣一尺二寸高一尺諸臣加雲氣天
子犧飾之夏俎名斝斝亦如椀而橫柱四足中央
如距也○褚遂良云舜造漆器禹雕其俎

按俎之制有四虞曰椀斷木為四足而已夏曰
歲中足為橫距之象殷曰棋如枳棋之曲撓周
曰房俎足下有跗如堂房其長皆二尺二寸廣
一尺二寸高一尺其用之別甚多一曰薦腥謂
豚解而腥之殊兩肩兩髀兩胛與脅為七體此
上古之禮也二曰薦爛謂體解而爛之又分豚
解為十一體以湯爛之而不全熟此中古之禮
也三曰薦熟以其所爛者先煮于鑊既熟則以
鬲重煮之升于俎此近代之禮也又割其餘以

之則有燔炙之事俎由鬲而升有九聘禮牛

一羊一豕三魚四腊五腸胃六膚七鮮魚八鮮

腊九是也去鮮魚鮮腊則為七俎矣公食大夫

禮上大夫九俎下大夫七俎是也又去其二則

為五少牢陳五鬲羊一豕二膚三魚四腊五腸

胃從羊五鬲五俎是也又去其二則為三特牲

三鬲牲鬲一魚鬲二腊鬲三亦有三俎是也此

皆正俎天子諸侯大夫士之所以別也為俎骨

有貴賤鄉飲鄉射禮賓俎脊脅肩肺主人俎脊

臠音香
臠音熏
臠音洗

臠音祈

脅臂肺之類是也。又有陪俎，非正俎，則腳臠、臠之三臠。臠者羹也，即銅羹也。牛臠為腳，羊臠為臠，豕臠為臠。又有所俎，所以載心舌而燔炙，皆從獻之物，故鄭箋以為從獻之俎。九俎皆進於神前，其尸既濟而反其餘於所俎者，謂之尸俎。尸俎之外，又有主人、主婦、祝、佐、賓、長、兄弟、宗人、眾賓及眾兄弟、內賓、宗婦、公有司之俎。牲之升俎，必有物以盛之，意即掌蜃之蜃器也。主人受尸酢之俎，謂之胙俎，其俎最尊。天子之祭，膳夫

親徹之。王賓客禮食亦有焉。

燔

傳云：燔取胙骨。禮器云：君親制祭，夫人薦盞。注：親制祭，謂朝事進血管時，郊特牲云：取胙骨燔燎升首，報陽也。祭義云：祭之日，君牽牲，既入廟門，麗于碑，鸞刀以割取胙骨，乃退爛祭。注云：胙骨，血與腸間脂也。又云：建設朝事，燔燎羶薌，見以蕭炷，以報氣也。此教眾反始也。

割音惠

箋云：燔，燔肉也。疏云：燔者，火燒之名。難熟者近火。

詩名勿亂

卷四十一

三

子

三百四十一

故肉燔也。亦為鬻。貫之以炙于火。非炮燒之也。○
 士虞。主婦亞獻尸。賓以燔從。獻祝佐食。皆如初。賓
 長三獻。燔從如初。義。特牲饋食。主婦亞獻尸。兄弟
 長以燔從。尸受振。羞燔者受加于所
 出。獻祝。燔從如初。儀。賓三獻。燔從如初。有司徹云。
 次賓羞羊燔豕燔。○周禮量人。凡祭祀饗賓。掌其
 從獻。脯燔之數量。

炙

傳云。炙肉也。疏云。傳以炙為炙肉。則是薦俎非從

獻也。

換許憲反

箋云。肝。肝炙也。疏云。炙者遠火之稱。易熟者遠之。
 故肝炙也。○士虞。主人醑尸。賓長以肝從。實于俎。
 縮用鹽。特牲云。主人洗角升酌醑尸。賓長以肝從。
 尸取肝換于鹽。振祭濟之。加于菹豆。獻祝。以肝從。
 主婦致爵于主人。肝從。燔亦如之。主人致爵于主
 婦。宗婦薦豆俎。從獻。皆如主人。少牢禮。主人醑尸。
 賓長羞牢肝。縮進末。獻祝。羞牢肝。

君婦

箋云。君婦謂后也。凡嫡妻稱君婦。事舅姑之稱也。
○釋名云。天子之配曰后。言在後。不敢以副言也。
諸侯之配曰夫人。夫扶也。扶助其君也。卿之配曰
內子。言在閨中之內。以治家也。大夫之配曰命婦。
婦服也。服家事也。○禮記云。古者天子立后。六宮。
三夫人。九嬪。二十七世婦。八十一御妻。以聽天下
之內治。以明章婦道。○白虎通云。天子之配謂之
后。后者君也。○後漢書。周禮。王者立后。后正位官
闈。同體天王。夫人坐論婦禮。九嬪掌教四德。世婦

主喪祭賓客。女御叙于王之燕寢。頒官分務。各有
典司。女史彤管記功。書過。居有阿保之訓。動有環
佩之響。進賢才以輔佐君子。哀窈窕而不淫其色。
所以能述宣陰化。修成內則。閨房肅雍。險謁不行
者也。○初學記云。秦夏殷已前。后妃之制。其文畧
矣。大率皆稱妃。故黃帝有四妃。帝嚳四妃。周則天
子立后。秦稱皇帝。正嫡曰皇后。

周禮內宰。大祭祀。后灌獻。則贊。瑤爵亦如之。凡建
國。佐后立市。中春。詔外內命婦。始蠶于北郊。上春。

詔皇后帥六宮之人。生種稷之種。而獻之于王。九
 嬪。凡祭祀。贊后薦。徹豆籩。若有賓客。則從后。世婦
 帥女功。而擢概為盥盛。及祭之日。泄陳女宮之具。
 凡內羞之物。女御。凡祭祀。贊世婦。大宗伯。凡大祭
 祀。王后不與。則攝而薦。豆籩。徹。大賓客。則攝而載
 果。內宗。掌宗廟之祭祀。薦加豆籩。及以樂徹。則佐
 傳。豆籩。賓客之饗食。亦如之。王后以樂羞盥。則贊。
 凡王后之獻。亦如之。王后不與。則贊宗伯。○禮記
 云。王后蠶於北郊。以其純服。夫人蠶於北郊。以其

純音緇

沈詩畏反

被錫讀曰
髮易

冕服。王后夫人非莫蠶也。身致其誠信也。及時將
 祭。先期旬有一日。宮宰宿夫人。夫人亦散齋七日。
 致齋三日。君致齋於外。夫人致齋於內。然後會於
 太廟。君純冕立於阼。夫人副禕立於東房。君執圭
 贊裸尸。大宗伯執璋瓚亞裸。及迎牲。君執紉。宗婦
 執盎。從。夫人薦浣水。君執鸞刀羞齎。夫人薦豆。此
 之謂夫婦親之。○特牲云。主婦纚笄宵衣。立于房
 中南面。洗爵于房。酌亞獻尸。少牢云。主婦被錫衣
 侈袂。薦自東房。韭菹醢醢。坐奠于筵前。贊者執葵

菹羸醢以授主婦。遂受陪設于東。主婦興入于房。
 自東房執一金敦黍。有蓋。坐設于羊俎之南。婦贊
 者執敦稷以授主婦。主婦興受。坐設于魚俎之南。
 又興受贊者敦黍。坐設于稷南。又興受贊者敦稷。
 坐設于黍南。主婦興入于房。又云。主婦洗爵于房
 中。出酌入戶。西面拜獻尸。尸拜受。主婦主人之北
 西面拜送爵。

獻酬交錯

祭統云。尸飲五。君洗玉爵獻卿。尸飲七。以瑤爵獻

大夫。尸飲九。以散爵獻士及羣有司。皆以齒。○特
 牲二云。三獻。主人酌西階上獻賓。薦脯醢。設折俎。賓
 卒爵。主人酌酢。卒爵降奠于其位。衆賓升受爵。坐
 祭立飲。主人洗觶。酌于西方之尊。西階前北面酬
 賓。賓奠觶于薦南。揖復位。主人洗爵獻長兄弟于
 阼階上。如賓儀。洗獻衆兄弟。如衆賓儀。洗獻內兄
 弟于房中。如獻衆兄弟之儀。嗣舉奠。兄弟弟子洗
 酌于東方之尊。舉觶于長兄弟。如主人酬賓儀。賓
 坐取觶。酬長兄弟。長兄弟卒觶。衆賓及衆兄弟交

錯以辯。皆如初儀。長兄弟酬賓。如賓酬兄弟之儀。以辯。卒受者實解于筐。賓弟子及兄弟子。舉觶于其長。長皆奠解。揖其弟子。爵皆無算。有司徹云。主人酌獻賓于西階上。衆賓長升。拜受爵。坐祭立飲。辯受爵。乃升長賓。主人酌酢于長賓西階上北面。飲卒爵。宰夫洗觶升。主人受酌。酬長賓于西階南。北回。遂飲卒爵。主人卒洗升酌。賓拜受。坐奠爵于左。主人獻兄弟于阼階上。辯受爵。洗獻內賓于乃中。獻私人于阼階上。二人洗觶升。實爵西楹。坐

言各物凡

卷四十一

三為辛

醋醑同

奠爵。尸侑卒爵。尸酬主人。主人酬侑于西楹。卒爵。主人復筵。乃升長賓。侑酬之。如主人之禮。至于衆賓。遂及兄弟私人。兄弟之後生。舉觶于其長。賓及兄弟交錯其酬。皆遂及私人。爵無算。若不賓尸。賓拜受爵。洗酌醋于主人。卒爵。賓以爵降奠于筐。主人洗獻衆賓。獻兄弟與內賓。與私人。皆如儻禮。賓長獻于尸。尸醋獻祝。致醋。賓兄弟交錯其酬。無算爵。

詩各物凡

卷四十一

六

其糝于豆。以醑。醑。所。醑。醑。只。美。文。醑。其。醑。無。算。

六家詩名物疏卷四十二

海虞馮復京嗣宗輯著

小雅谷風之什三

楚茨篇下

祝告

擣耳護

箋云。祝致神意造主人。便受嘏。嘏之禮。祝徧取黍稷牢肉魚擣于醢。以授尸。孝孫前就尸受之。天子使宰夫受之。以筐。祝則釋嘏。辭以勅之。○禮運曰。修其祝嘏。又云。祝以孝告。嘏以慈告。又云。天子祭

詩名物疏 卷四十一

子

宗廟諸侯祭社稷。祝嘏莫敢易其常。是謂大嘏。曾子問曰。攝主不假。當作嘏郊特牲曰。嘏長也。大也。○
 特牲饋食尸九飯。主人酌尸。尸酢主人。佐食搏黍稷授祝。祝授尸。尸授以菹豆。執以親嘏主人。主人左執角。再拜稽首。受復位。詩懷之。實于左袂。挂于季指。卒角拜。尸答拜。主人出。寫嗇于房。祝以籩受。少牢饋食。尸十二飯。主人酌尸。尸酢主人。上佐食以綏祭。二佐食各取黍于一敦。上佐食兼受。搏之以受尸。尸執以命祝。卒命祝。祝受以東北面于戶。

西以饌于主人曰皇尸。命工祝承致多福無疆于女孝孫。來女孝孫。使女受祿于天。宜稼于田。眉壽萬年。勿替引之。主人坐奠爵。興再拜稽首。興受黍。坐振祭。齊之。詩懷之。實于左袂。挂于季指。執爵以興。坐卒爵。執爵以興。出宰夫以籩受嗇黍。主人嘗之。納諸內。

孝孫徂位

箋云。祭禮畢。孝孫往位。堂下西面位。祝于是致孝孫之意。告尸以利成。疏云。孝孫在堂下西面。則祝

當以西階下告。○特牲云。主人出立于戶外西南。祝東向告利成。尸謾。注云。利猶養也。供養之禮成。少牢云。主人出立于阼階上西面。祝出立于西階上東面。祝告曰利成。祝入。尸謾。賈公彥云。特牲尸外告利成。少牢階上告利成。以尊者稍遠于尸。若天子諸侯禮畢。于堂下告利成。

送尸

大司樂云。尸出入奏肆。夏。○樂師教樂儀。行以肆。夏。○鐘師凡樂事。以鐘鼓奏九夏。肆。夏。杜子春云。呂叔玉云。肆。夏。周頌時邁也。肆。遂也。夏。大也。言遂于大位。謂王位也。玄謂九夏。皆詩篇名。

按尸出入奏肆。夏。天子之禮也。古注以楚茨之詩爲思古明王。故箋用周禮之文。朱子以爲述公卿有田祿者。力農奉祭。則與天子之禮不同。而此傳云奏肆。夏。未。知。所。出。考。之。儀。禮。大。射。公。升。即。席。奏。肆。夏。燕。禮。賓。及。庭。奏。肆。夏。則。諸。侯。得。奏。肆。夏。天。子。畿。內。公。卿。比。外。諸。侯。或。亦。奏。肆。夏。未。可。知。但。天。子。公。卿。及。諸。侯。祭。禮。亡。無。所。據。證。

言名物疏 卷四十三
朱子此篇之傳。如主人往阼階下西面聽告利成。皆準少牢饋食禮。少牢饋食者。諸侯卿大夫之祭禮也。其儀告利成後。祝入。尸謏。主人降立于阼階東西面。祝先。尸從。遂出于廟門。無鼓鐘送尸之事。故特牲云。大夫之奏肆夏也。由趙文子始也。是諸侯之卿大夫不得奏肆夏也。

諸宰

周禮膳夫。上士二人。中士四人。下士八人。凡王祭祀賓客食。則徹王之胾俎。注云。膳夫親徹胾俎。胾

俎最尊也。餘則其屬徹之。

徹

周禮膳夫。祭祀賓客食。徹王之胾俎。九嬪祭祀徹豆籩。內宗及以樂徹。則佐傳豆籩。外宗佐王后。眡豆籩。以樂徹亦如之。樂師及徹。帥學士而歌徹。小師大祭祀徹歌。○特牲云。宗婦徹祝豆籩。入于房。徹主人薦俎。佐食徹尸薦俎。賓出。佐食徹胾俎。堂上俎畢出。有司徹云。司士歸尸侑之俎。主人退。有司徹。若不賓尸。衆賓出。婦人乃徹。徹室中之饌。

燕私

禮記云。若公與族燕。則異姓爲賓。膳宰爲主人。公與父兄齒。族食世降一等。又云。勞治昆弟。合族以食。序以昭穆。別之以禮義。人道竭矣。又云。因其酒肉。聚其宗族。以教民睦。○特牲禮。俎出于廟門。徹庶羞。設于西序下。注云。庶羞。主爲尸。非神饌也。此徹庶羞。置西序下者。爲將燕飲。自尸祝至兄弟之庶羞。宗子以與族人燕。飲于堂內。賓宗婦之庶羞。主婦以燕飲于房。○尚書傳曰。宗室有事。族人皆

侍終日。大宗已侍于賓。奠然後燕私。燕私者何也。已而與族人燕也。飲而不醉。是不親。醉而不出。是不敬。○禮書云。族燕禮服皮弁服。卽于路寢。宰夫爲主。異姓爲賓。王與族人燕于堂。后帥內宗之屬。燕于房。其物殺烝。所以合好也。其食世降一等。所以辨親疎也。昭穆以序之。所以明世次也。夜飲以成之。所以別異姓也。若夫几席之位。升降之儀。脫屣而坐。立監相禮。羞庶羞。以盡愛。爵樂無算。以盡歡。大率與諸侯燕禮不異。

樂

尚書云。予欲聞六律五聲八音。在治忽。以出內五言。又曰。聲依永。樂和聲。八音克諧。無相奪倫。神人以和。○禮記云。比音而樂之。及于戚羽旄。謂之樂。○周禮。大司樂。以樂舞教國子。以六律六同五聲八音六舞。大合樂。以致鬼神示。以和邦國。以諧萬民。以安賓客。以悅遠人。以作動物。太師合陰陽之聲。陽聲黃鐘太簇姑洗蕤賓夷則無射。陰聲大呂應鐘南呂函鐘小呂夾鐘。皆文之以五聲。宮商角

徵羽。皆播之以八音。金石土革絲木匏竹。教六詩。曰風。曰賦。曰比。曰興。曰雅。曰頌。○樂緯云。黃帝之樂曰咸池。顓頊曰六莖。帝嚳曰五英。堯曰大章。舜曰蕭韶。禹曰大夏。殷曰大濩。周曰勺。又曰大武。是以清和上升。天下樂其風俗。鳳皇來儀。百獸率舞。神龍升降。靈龜晏寧。

稽首

周官。大祝辨九摯。一曰稽首。注云。拜頭至地也。

信南山篇

甸

丘甸之甸
音編證反

箋云。南山之野。禹治而丘甸之。六十四井為甸。甸方八里。居一成之中。成方十里。出兵車一乘。以為賦法。○周禮。小司徒。經土地而井牧其田野。九夫為井。四井為邑。四邑為丘。四丘為甸。四甸為縣。四縣為都。以任地事。而令貢賦。凡稅斂之事。注。此謂造都鄙也。采地制井田。異于鄉遂。四丘為甸。甸之言乘也。讀如衷甸之甸。甸方八里。旁加一里。則方十里。為一成。積百井。九百夫。其中六十四井。五百

七十六夫。出田稅三十六井。三百二十四夫。治澮。又云。稍人。掌令丘乘之政令。○司馬法曰。四井為邑。四邑為丘。馬一匹。牛三頭。是曰匹馬丘。牛四。丘為甸。六十四井。出長轂一乘。馬四匹。牛十二頭。甲士三人。步卒七十二人。戈楯具。謂之乘馬。又曰。六尺為步。步百為畝。畝百為夫。夫三為屋。屋三為井。井十為通通。通為匹馬。三十家。士一人。徒二人。通十為成。成百井。三百家。革車一乘。士十人。徒二十人。成十為終。終千井。三千家。革車十乘。士百人。徒二

百人十終為同。同方百里萬井。三萬家。革車百乘。士千人。徒二千人。○賈公彥云。一成惟三百家。革車一乘。士十人。徒二十人。此謂天子畿內采地法。鄭注論語道千乘之國。亦引司馬法。彼是畿外邦國法。革車一乘。甲士三人。步卒七十二人。甲士少。步卒多。此比畿外。甲士多。步卒少。外內有異故也。

曾孫

疏云。曾者重也。自曾孫以至無窮。皆得稱曾孫。

疆理

傳云。疆。畫經界。理。分地理。疏。經界者。地畔之名。分地理者。分別地所宜之理。若孝經注云。高田宜黍。稷。下田宜稻。麥是也。

畎畝同

朱傳云。疆者為之大界也。理者定其溝塗也。○周禮。遂人。凡治野。夫間有遂。遂上有徑。十夫有溝。溝上有畛。百夫有洫。洫上有涂。千夫有澮。澮上有道。萬夫有川。川上有路。以達于畿。匠人。為溝洫。耜廣五寸。二耜為耦。一耦之伐。廣尺深尺。謂之畎。田首倍之。廣二尺深二尺。謂之遂。九夫為井。井間廣四

寺各勿流

卷四十一

八

三百五十一

尺深四尺謂之溝。方十里為成。成間廣八尺深八尺謂之洫。方百里為同。同間廣二尋深二仞謂之澮。專達于川。賈公彥云。遂人為溝洫法。遂縱溝橫洫。縱澮橫九澮。而川周其外。以彼遂在夫間。故以南畝。遂則縱矣。匠人井田法云。田首倍之為遂。以南畝圖之。遂即橫也。

同雲

埤雅云。古文雲字作云。象雲回轉之形。其上以二者。天中之陰也。天中之陰。應之於上。故地中之

陽。升而為雲。詩曰。上天同雲。冬曰上天。燠則雲暘。而異寒則雲陰。而同故也。

霖霖

爾雅云。小雨謂之霖霖。釋名云。霖霖。小雨也。言裁霖霖。霑霑。如人沐頭。惟及其上枝。而根不濡也。

場

孔氏云。以田之疆畔。至此而易主。名之為場。

之谷。受廬田。百畝。公曰十。甸。男。采。人。百。人。十。田。田。

孔氏云。古者宅在都邑。田於外野。農時出而就田。

須有廬舍。○班固曰。井方一里。是為九夫。八家共之。各受私田百畝。公田十畝。是為八百八十畝。餘二十畝。以為廬舍。又曰。還廬樹桑。菜茹有畦。瓜瓠果蓏。殖于疆場。在野曰廬。在邑曰里。○說文云。廬寄也。春夏居。秋冬去。○春秋井田記。人受田百畝。公田十畝。廬舍在內。貴人也。公田次之。重公也。私田在外。賤私也。○丘氏曰。公田百畝。內除二十畝。為八家治田之廬。○董氏云。井九百畝。其中為公田。八家每廬舍二畝半。

按公田百畝。餘二十畝。為廬舍。其說出于漢書。食貨志。鄭注。匠人云。野九夫而稅一。則鄭意無家各二畝半。為廬之事。

菹 詳見函風豆

說文云。酢菜也。○周禮。醢人掌四豆之實。王舉。共醢以七菹實之。○記云。恒豆之菹。水艸之和氣。○疏。周禮。場人祭祀。供果蓏。是祭必有瓜菹。醢人豆實。無瓜菹者。文不具。○采蘋傳云。公侯夫人執蘋菜。以助祭。王后則苜菜。

清酒

箋云。清。謂玄酒也。酒。鬱鬯五齊三酒也。朱傳云。清酒。清潔之酒。鬱鬯之屬也。孔疏云。以周禮言之。裸獻所用。則鬱鬯與醴齊三酒之清酒。卑于五齊。諸臣之所酢。不用之以獻神。儀禮特牲云。壺禁在東序。尊于戶東。玄酒在西。又尊兩壺于階東。西方亦如之。少牢云。尊兩甒于房戶之門。甒有玄酒。○禮記禮也者。反本修古。不忘其初者也。醴酒之用。玄酒之尚。又云。玄酒在室。疏

口法

云。玄酒。謂水也。以其色黑。謂之玄。太古無酒。此水當酒所用。責重古物。陳設之。在于室內。而近北。周禮鬱人。掌裸器。凡祭祀賓客之裸事。和鬱鬯。以實彝而陳之。凡裸事。沃盥。鬯人。掌供秬鬯而飾之。凡王之齋事。共其秬鬯。大宗伯。凡祭大神。享大鬼。祭大示。涖玉鬯。肆師。祭之日。及果。築鬻。鄭司農云。築。煮。築香艸。煮以爲鬯。鄭玄云。鬱。鬱金香艸。宜以和鬯。鬯。釀秬爲酒。芬香條暢于上下也。秬。如黑黍。一稗二米。○禮記云。諸侯未賜圭瓚。資鬯於天子。

又云周人尚臭鬱合鬯臭陰達于淵泉灌以圭璋
用玉氣也又云暢曰以榘杵以梧又云天子親耕
粢盛秬鬯以事上帝又云加以鬱鬯以報鬼也○
王度記云天子以鬯諸侯以薰大夫以蘭芝士以
蕭庶人以艾○毛氏云九命錫圭瓚秬鬯○說文
云鬱十葉為貫百廿貫築以煮之為鬱一曰鬱鬯
百艸之華遠方鬱人所貢芳艸合釀之以降神鬱
今鬱林郡也鬯以秬釀鬱艸芬芳攸服以降神也
从口口器也中象米匕所以扱之易曰不喪匕鬯

口去魚反

○魏畧云鬱金生大秦國○陳藏器云其花十二
葉為百艸之英二月三月有花狀如紅藍四月五
月採花即香也○本艸圖經云四月初生苗似薑
黃花白質紅末秋出莖心無實根黃赤

周禮酒正凡祭祀以法共五齊三酒以實八尊詳見

邶風大祭三貳中祭再貳小祭一貳皆有酌數惟

齊酒不貳皆有器量酒人掌為五齊三酒祭祀則
共奉之以役世婦○禮書云濁莫如五齊清莫如
三酒祭祀有五齊以神事之也有三酒以人養之

也。鄭氏以禘備五齊，禘備四齊，祭備三齊，朝用醴。齊饋用盎齊。諸臣自酢用凡酒。然記曰：夫人薦盎，則醴以上君所酌，盎以下夫人所酌，而無君饋薦盎之禮矣。酒正曰：凡祭祀以五齊三酒實八尊，則中祭小祭皆備五齊矣。共正齊三酒以實八尊。

黃赤白駢牡 未火出置以辨實外黃赤

傳云：周尚赤也。○周禮：牧人凡陽事用駢牲，毛之。注云：駢牲，色赤，毛之取純毛也。陽祀祭天於南郊及宗廟。○禮記云：周人尚赤，牲用駢。又云：周人駢。

剛。又云：於郊故謂之郊，牲用駢尚赤也。

鸞刀

正義云：鸞即鈴也。謂刀環有鈴，其聲中節。○禮記云：割刀之用而鸞刀之貴，貴其義也。聲和而後斷也。又云：祭之日，君牽牲入廟門，麗于碑，卿大夫袒而毛牛尚耳，鸞刀以割，取腍骨，乃退，爛祭祭腥而退，敬之至也。○何休云：鸞刀，宗廟割切之刀，環有和鋒，有鸞。

按禮記：卿大夫袒而毛牛尚耳，則人君祭禮執

言不先取。卷四十三。三百七十三。
鷩刀者。固謂卿大夫也。考之儀禮。特牲則曰。主人立於門戶。視側殺。少牢則曰。主人即位於廟門之外。司馬割羊。司士擊豕。宗人告備。乃退。則士大夫猶視殺而不親割矣。王介甫劉執中。乃謂王執鷩刀以親殺。此何據耶。朱子云。主人親執。蓋沿王氏之誤。國語云。天子郊禘之事。必自射其牲。諸侯宗廟之事。必自射其牛。亦不云執刀以殺也。

啓毛取膾

郊特牲云。毛血告幽全之物。貴純之道也。注云。幽謂血也。禮器云。納牲詔於庭。血毛詔於室。羹定詔於堂。○楚語觀射父云。毛以示物。血以告殺。接誠。拔取以獻具。爲齊敬也。注云。物。色也。告殺。明不因故也。○又郊特牲云。取騂膾燔燎升首。報陽也。又曰。蕭合黍稷。臭陽達於牆屋。故旣奠。然後執蕭合羶薌。注云。蕭。香蒿。染以脂。合黍稷燒之。○
賈公彥云。案說文及字林。膾。血祭。膾是牛腸間脂也。是膾爲血。膾爲腸間脂也。

弟述京校

六家詩名物疏卷四十三

海虞馮復京嗣宗輯著

小雅甫田之什一

甫田篇

耘

說文云。耘。除田間穢也。○左傳云。譬如農夫。是穠是藂。雖有饑饉。必有豐年。注云。穠。耘也。壅。苗為藂。○汲冢周書曰。農之服田。務耕而不耨。維艸其宅之。○呂氏春秋云。凡禾之患。不俱生而俱死。是以

先生者美米。後生者為粃。是故其耨也長。其兄而去其弟。○莊子云芸而滅裂之。其實亦滅裂而報予。

耔

說文曰。壅禾本也。○食貨志云。后稷始畝田。以二耜為耦。廣尺深尺曰畝。長終畝一畝。三畝一夫。三百畝而播種于畝中。苗生葉以上。稍耨隴艸。因墮其土。以附苗根。比盛暑。隴盡而根深。能風與旱。

齊

饌饋同

周禮甸師掌帥其屬而耕耨王籍。以時入之。以供粢盛。注云。粢。稷也。為穀長。是以名。在器曰盛。又云。九嬪凡祭祀。贊玉齋。廩人大祭祀。則共接盛。舍人祭祀。共簠簋實之。陳之。春人祭祀。共齋盛之米。饌人掌凡祭祀。共盛。大宗伯。凡祀享祭。奉玉齋。小宗伯。辨六齋之名物。與其用。使六宮之人共奉之。注云。黍稷稻粱麥苽。又云。祭之日。逆齋。省鑊。肆師祭之日。表粢盛。告潔。大祝辨齋號。○禮記云。黍曰薌。合。粱曰薌。苽。稷曰明粱。稻曰嘉蔬。又云。季秋。乃命

豕宰農事備收。舉五穀之要。藏帝籍之收于神倉。又云。惟社丘乘共粢盛。又云。天子爲籍千畝。諸侯百畝。以爲醴酪粢盛。又云。八簋之實。○左傳云。粢食不鑿。昭其儉也。又云。奉盛以告曰。潔粢豐盛。謂其三時不害。而民和年豐也。穀梁傳云。三宮米而藏諸御廩。公羊曰。周公盛魯。魯公廩。○國語曰。廩于籍之東南。鍾而藏之。又云。天子郊禘之事。王后必自舂其粢。諸侯宗廟之事。夫人必自舂其盛。

犧

孔氏曰。羊言犧。謂純色。四方之神亦太牢。言羊以會句。○禮書云。牲之純在色。犧之完在體。然牲者亦必完。犧者亦必純。

社

鄭駁異義云。社者五土之神。能生萬物者。以古之有大功者配之。祭法曰。共工氏之霸九州也。其子曰后土。能平九州。故祀以爲社。又曰。后土則社。○周禮。大司徒。設其社稷之壇。而樹之田主。封人掌

設王之社壇。凡封國。設其社稷之壇。令社稷之職。鼓人。以靈鼓。鼓社祭。舞師。掌教。帔舞。帥而舞。社稷之祭祀。牧人。陰祀。用黝牲。毛之。大宗伯。以血祭。祭社稷。王大封。則先告后土。小宗伯。掌建國之神位。右社稷。左宗廟。凡天地之大。裁類社稷。宗廟。則爲位。若大師。則帥有司。而立軍社。奉主車。肆師。社之日。涖卜。來歲之稼。鬯人。凡祭祀。社壇。用大罍。司服。祭社稷。五祀。則希冕。大司樂。乃奏太簇。歌。應鐘。舞咸池。以祭地示。大祝。大師。宜于社。大會。同宜于社。

大司馬。仲春。教振旅。以祭社。若師有功。獻于社。○王制云。諸侯祭社稷。月令。仲春。擇元日。命民社。孟冬。大割牲於公社。禮運云。命降于社之謂殺地。又曰。祀社於國。所以列地利。禮器云。三獻爛。郊特牲曰。郊特牲。而社稷大牢。又曰。社祭土。而主陰氣也。君南嚮于北牖下。答陰之義也。日用甲。用日之始也。天子大社。必受霜露風雨。以達天地之氣也。社所以神地之道。地載萬物。故教民美報焉。家主中霤。國主社。示本也。唯爲社事。單出里。唯爲社田。國

人畢作。唯社丘乘共粢盛。所以報本反始也。祭法。王為羣姓立社曰大社。王自為立社曰王社。諸侯為百姓立社曰國社。諸侯自為立社曰侯社。大夫以下成羣立社曰置社。厲山氏之有天下也。其子曰農。能殖百穀。夏之衰也。周棄繼之。故祀以為稷。共工氏之霸九州也。其子曰后土。能平九州。故祀以為社。

按毛傳云。社。后土也。鄭依孝經緯。以社為五土之總神。所謂五土者。山林川澤丘陵墳衍原隰。

也。非左傳履后土之后土也。左傳蔡墨云。共工氏有子曰句龍。為后土。后土為社。則后土是官名。句龍配食于社。亦稱為社也。祭社必及稷。以同功均利故也。稷配以柱。商時又易以棄。禮有大社。鄭云。在庫門內。雉門外之右。即冢土也。王社。先儒或謂建于大社之西。國社。侯社。宜亦如之。賈公彥從崔氏之說。謂王社。侯社。在籍田內。然歷代籍田。但祭先農。不聞祭社也。白虎通云。天子之社。壇方五丈。諸侯半之。其土則石也。其

言名物疏 卷四三
五
列則社東稷西也。其牲則天子大牢。諸侯少牢也。其祭有三時。仲春命民社。孟冬大割牲於公社。及孝經緯仲秋禳禾拜社稷是也。大社國社有稷而王社侯社不置稷者。或爲民祈報。或但祭國之土示也。此外又有勝國之社。市中之社。若大夫之社。其大者則二千五百家爲之。周禮所云州社也。其小則二十五家亦爲之。左傳所云書社于社也。又鼓人注云。社祭祭地祇。則大地與神州之祇。俱蒙社名。故中庸云。郊社之

所以事上帝也。此篇首章云。或耘或耔。已是夏耘之事。此章云。以社以方。鄭氏以爲秋報農夫之慶。以爲大蜡勞農。下文祭田祖。鄭又以爲始耕之事故。嚴氏定爲明年春之事。而以下章爲成王省耕。朱子又以下章爲省耘。予以爲一篇之詩。首尾聯貫。強分二年。甚爲無謂。月令云。仲夏大雩帝。乃命百縣雩祀百辟卿士。有益于民者。以祈穀實。凡祀五精之帝。必配以五人帝。神農已配赤燁怒。若勾芒蓐收勾龍后稷之等。舉

言名物正 卷四三
該於百辟卿士內矣。正應經文祈其雨介黍稷之事。于義爲允。不必有秋報春祈紛紛之說。禮正月祈穀于上帝。不聞祈雨也。

方

曲禮云。天子祭四方。歲徧。注云。祭四方。謂祭五官之神於四郊也。勾芒在東。祝融后土在南。蓐收在西。玄冥在北。○周禮。大宗伯以血祭祭五祀。注云。五祀者。五官之神。在四郊。四時迎五行之氣于四郊。而祭五德之帝。亦食此神焉。大司馬仲秋云。遂

以獮田。羅弊獻禽以祀祊。注云。祊當爲方。獮田。主祭四方。報成萬物。詩云。以社以方。○左傳。蔡墨云。少昊氏有四叔。曰重。曰該。曰修。曰熙。實能金木及水。使重爲句芒。該爲蓐收。修及熙爲玄冥。世不失職。遂濟窮桑。此其三祀也。顓頊氏有子曰犁。爲祝融。共工氏有子曰句龍。爲后土。此其二祀也。○鄭志。答趙商云。犁爲祝融。句龍爲后土。左氏下言后土爲社。謂暫作后土。無有代者。故先師之說。犁兼之。因火土俱位南方。

大田入農夫慶南太

鬪音僻

箋云。謂大蜡之時。勞農以休息之也。○周禮。黨正。國索鬼神而祭祀。則以禮屬民。而飲酒于序。鼓人。凡祭祀百物之神。鼓兵舞帔舞者。大宗伯。以詠辜。祭四方百物。司服。祭羣小祀。則玄冕。太司樂。凡六樂者。一變而致羽物。及川澤之示。再變而致羸物。及山林之示。三變而致鱗物。及丘陵之示。四變而致毛物。及墳衍之示。五變而致介物。及土示。六變而致象物。及天神。籥章。國祭蜡。則吹豳頌。擊土鼓。

啜音步反

以息老物。羅氏。蜡則作羅襦。梓人。張獸侯以息燕。○月令。孟冬。祈來年于天宗。臘先祖五祀。勞農而休息之。郊特牲云。天子大蜡八。伊耆氏始為蜡。蜡也者。索也。歲十二月。合聚萬物。而索饗之也。主先嗇而祭。司嗇也。祭百種。以報嗇也。饗農及郵表啜禽獸。仁之至。義之盡也。迎猫。為其食田鼠也。迎虎。為其食田豕也。祭坊與水庸。事也。皮弁素服而祭。素服以送終也。葛帶榛杖。喪殺也。黃衣黃冠而祭。息田夫也。八蜡以記四方。四方年不順成。八蜡不

通以謹民財也。順成之方。其蜡乃通。以移民也。既蜡而收民息已。故既蜡。君子不與功。明堂位云。大蜡。天子之祭也。雜記。子貢觀蜡。曰。一國之人皆若狂。孔子曰。百日之蜡。一日之澤。○傳曰。夏曰嘉平。殷曰清祀。周曰大蜡。秦初曰臘。○禮書云。蜡祭川澤山林。以至土示天神。莫不與焉。而所重者八。先嗇也。司嗇也。百種也。農也。郵表畷也。禽獸也。坊也。水庸也。既蜡則臘。先祖五祀于廟。蜡以息老物。臘以息民。

鼓

周禮。籥章。掌土鼓。杜子春云。土鼓以瓦爲匡。以革爲兩面。可擊也。又云。凡國祈年于田祖。歛豳雅。擊土鼓。以樂田畷。注云。祈年。祈豐年也。田祖。始耕田者。謂神農也。田畷。古之先教田者。○禮運云。夫禮之初。蕢桴而土鼓。注云。築土爲鼓也。明堂位云。土鼓。蕢桴。葦籥。伊耆氏之樂也。○樂書云。離音絲。南方之樂也。坎音革。北方之樂也。甫田之御。田祖。琴瑟。擊鼓者。以自冬徂春。農事則終而復始。百穀則

詩名物疏 卷四三
九
三百
死而復生。各有度數存焉。土鼓之制。窪土以為之。故禮運之言土鼓。在未合土之前。與壺涿氏泡土之鼓異矣。

田祖

傳云。先嗇也。箋云。設樂以迎祭先嗇。謂郊後始耕也。疏云。先嗇神農田祖一也。始教造田謂之田祖。先為稼穡謂之先嗇。神其農業。謂之神農。祭田祖時。后稷句龍及典田之大夫。亦在祭中。○周禮大司徒。樹田主。注云。田主田神。后土田正之所依也。

疏云。田神謂郊特牲云先嗇與神農一也。簞章云。國祈年于田祖。○前漢書顏注云。田祖。稷神也。

茨

疏云。墨子稱茅茨不剪。謂以茅覆屋。故箋以茨為屋蓋。○說文云。茨。以茅葦蓋屋也。

梁

疏云。孟子十二月車梁成。梁謂水上橫橋。○爾雅云。隄謂之梁。石杠謂之倚。梁莫夫于湨梁。○說文云。橋。水梁也。權水上橫木。所以渡者也。東楚謂橋

為圮。○國語云。辰角見而雨畢。天根見而水涸。雨畢而除道。水涸而成梁。故夏令曰。九月除道。十月成梁。○事始云。橋上級謂之雁齒。○襍志云。橋柱下橫水入沙者謂之蹲鴟。

大田篇

種

周禮大司徒辨十二壤之物而知其種。以教稼穡。樹藝。遂人。以土宜教。昨稼穡。疏云。高田種黍稷。下田種稻麥。稻人。澤艸所生。種之。芒種。司稼辨種。陸

之種。○月令。孟春。王命布農事。善相丘陵阪險原隰。土地所宜。五穀所殖。以教導民。季冬。令告民出五種。○孝經。援神契云。五土出利。以給天下。黃白宜種禾。黑墳宜種麥。蒼赤宜種菽。洿泉宜種稻。

螟

箋云。螟。螽之屬。盛陽氣羸。則

雅云。食苗

心。螟。李巡曰。言其姦冥。冥難

疏曰。舊說螟螽

蟬賊。一種蟲也。如言寇賊姦宄。內外言之耳。故捷為文學曰。此四種蟲皆蝗也。○許慎云。蟲食穀葉

言各物類 卷四十三 三百卅五
者吏冥冥犯法即生螟。○陸機曰。螟似蚘蚘而頭不赤。○月令。仲春行夏令。蟲螟為害。○漢五行志云。視不明。溫與生蟲。故有羸蟲之孽。謂螟騰之類。當死不死。未當生而生。或多於故而為災也。劉歆以為屬忌不容。○京房易傳云。蔽惡生孽。蟲食心。○呂氏春秋云。蝗螟農夫得而殺之。為其害稼也。蔽天狀如嚴雪。是歲天下失瓜瓠。又云。亂國有螟集其地。其音凶凶。○春秋漢含孳云。螟應苛克。○淮南子云。在法令則多蟲螟。○雅翼云。今食苗心

者乃無足小青蟲。既食其葉。又以絲纏裹眾葉。使穗不得展。江東謂之蠡蟲。孔臧蓼蟲賦曰。爰有蠕蟲。厥蟲如螟。是螟為無足蟲也。

騰

爾雅云。食葉。蟻。李巡曰。言假貸無厭。故曰蟻也。○許慎曰。蟲食苗葉者。吏乞貸則生蟻。○陸機曰。騰蝗也。○月令。孟夏行春令。則蝗蟲為災。仲夏行春令。百騰時起。孟秋行冬令。介蟲敗穀。仲冬行春令。蝗蟲為敗。季冬行秋令。介物為妖。○五行志云。劉

言介蟲孽也。螽蜚蛄食穀爲災。○京房
欽聽傳曰。有介蟲孽也。螽蜚蛄食穀爲災。○京房
易傳云。德無常。茲謂煩。蟲食葉。○蔡伯喈曰。蝗騰
也。當爲災。則生水處澤中數百。或數十里。一朝蔽
地而食禾粟苗。盡復移。雖自有種。其爲災云。是魚
子在水中化爲之。○洪範五行傳曰。刑罰暴虐。貪
叨無厭。興師動衆。蟲爲害矣。介蟲有甲。能飛揚之
類。陽氣所生。於春秋爲螽。今謂之螟。皆其類也。旱
氣動象至矣。○春秋佐助期曰。螽之爲蟲。赤頭甲
身而翼飛行。陰中陽也。螽之爲言衆暴衆也。○漢

含孽曰天。雨螽則刑法醜。

蟲

爾雅云。食根。螽。李巡曰。言其稅取萬民財貨。故云
螽也。○說文曰。螽。食苗根者也。吏抵冒取民財則
生螽。○京房易傳曰。臣安祿。茲謂貪。厥災蟲食根。
○毛詩義疏曰。螽。長而細。或說云。螽。螽蛄也。食苗
根而爲人患。

按今之螽蛄。亦爲苗患。爾雅云。螽。天螽。本州云。
螽蛄。一名螽蛄。一名天螽。一名螽。疏云。一名頤

鼠夏小正云。三月穀則鳴。淮南子。孟夏螻蝻鳴者。是也。翅小而短。飛去不遠。穴土而居。處處有之。然此蟲自是蝗類。非螻蛄也。

賊

爾雅云。食節。賊。李巡曰。言貪狼。故曰賊也。○陸機曰。賊似苑李。中蠹蟲。赤頭。身長而細。○京房易傳曰。與東作爭。茲謂不時。蟲食節。

駢黑

疏云。五官之神。其牲各從其方色。詩記云。來南方

則用駢牲。來北方則用黑色。○周禮大宗伯云。以青圭禮東方。以赤璋禮南方。以白琥禮西方。以玄璜禮北方。皆有牲幣。各放其器之色。注云。以為禮五天帝人帝。而句芒等食焉。

瞻彼洛矣篇

洛

東萊云。職方氏。雍州其浸渭洛。故毛傳以洛為宗周之浸水。洛水雖出於京北。上洛西山。然其流尚微。此詩所謂洛。蓋指東都也。○禹貢云。導洛自熊

耳。東北會于澗瀍。又東會于伊。又東北入于河。○
 山海經云。洛出上洛西山。又曰。謹舉之山。洛水出
 焉。東與丹水合。○初學記云。周官。豫州其川滎雒。
 與伊瀍二水為三川。秦于河南置三川郡。案水經
 云。洛水出京兆上洛縣冢嶺山。郡經上洛弘農河
 南縣。盧氏蠡城陽市宜陽洛陽。合伊瀍穀澗之水。
 至鞏縣而入河。又周禮。雍州其川洛汭。此洛一名
 漆沮。出馮翊。此關輔之水。非河南洛也。又水經注
 云。洛水出漳水東。經洛縣及新都。與湍水合。此又

前音薦

在蜀土。○春秋說題辭云。洛出熊耳山。洛之為言
 繹也。言水繹繹光耀也。○河圖云。洛水地里陰精
 之官。帝王明聖。龜書出支。天以與命。地以授瑞。接
 河合際。居中護羣。王道和洽。吐圖佐神。逆名亂教。
 摘亡弔存。故聖人觀河洛也。○又春秋說題辭。河
 以通乾。出天苞。洛以流坤。吐地符。○淮南子云。洛
 水輕利宜禾。○述征記云。洛水底有礬石。故上無
 水。○一統志。洛水源出陝西洛南縣冢嶺山。東流
 經河南河南府盧氏永寧宜陽洛陽偃師鞏縣。入

于河。

韎韐 詳見檜風韎

孔氏云。韎韐是衣服之名。用茅蒐艸染之。爾雅。一
涿謂之緜。韎韐是緜也。大夫以上祭服。謂之韍。士
無韍名。謂之韎韐。○士冠禮。爵弁服。纁裳。純衣。緇
帶。韎韐。注云。韎韐。緇韐也。士緇韐而幽衡。合韋為
之。士染以茅蒐。因以名焉。今齊人名禱為韎韐。韍
之制似韎。○朱傳云。韎。茅蒐所染色也。韍。韎也。所
謂韋弁。

六師

劉公瑾云。天子六軍。出自六鄉。蓋萬二千五百家
為鄉。凡起徒役。毋過家一人。故萬二千五百家為
一軍。六軍總七萬五千人也。

鞞

傳云。容刀鞞也。○說文云。刀室也。○左傳云。藻率
鞞。昭其數也。○內則。子事父母。右佩遺。注云。遺
刀鞞也。

率音律

鞞布孔反
遺音逝

按鞞琫琕三字之義。爾雅無文。故此傳云。鞞容

刀鞞也。琫上飾。琕下飾。公劉傳云。下曰鞞。上曰琫。孔氏曰。鞞者刀鞘之名。琫者鞘之上飾。下不言其飾。指鞞之體。故曰下曰鞞。上則有飾可名。故曰上曰琫。是毛說本矛盾。孔亦不得已而為之辭也。釋名因之曰。下末之飾曰琕。琕。卑也。在下之言。理當是鞞字。與毛公劉之傳同。杜氏左左傳注。則以鞞為上飾。鞞為下飾。又倒置無據。劉規其過。是也。仲達不得為之佞臣。

琫琕

琕於招反
 湯音湯
 琫音膠反
 琕音料切
 音庚

毛傳云。琫上飾。琕下飾。天子玉琫而琕。諸侯湯琫而琕。琕。大夫琕。琫而琕。琕。士琕。琫。琕。琕。○說文云。琕。蜃甲。所以飾物也。○爾雅云。黃金謂之湯。其美者謂之鏐。白金謂之銀。其美者謂之鏐。郎璞曰。鏐即紫磨金也。○釋文云。琕音蚪。玉也。鏐又作琕。玉也。

弟述京校

六家詩名物疏卷四十三終

詩名物疏

卷四十三

七

潘

六家詩名物疏卷四十四

六家詩名物疏卷四十四

海虞馮復京嗣宗輯著

小雅甫田之什二

桑扈篇

屏

爾雅云。門之之間謂之宁。屏謂之樹。疏云。屏蔽也。樹立也。立牆當門以自蔽也。諸侯內屏。在路門之內。天子外屏。在路門之外。而近應門。○郊特牲云。旅樹。大夫之僭禮。注云。旅。道也。樹。所以蔽行道。明

堂位云。疏屏。天子之廟飾。注云。屏。今桴思也。刻之為雲氣。蠱獸。如今闕上為之矣。○禮緯云。天子外屏。諸侯內屏。大夫以簾。士以帷。○天文書云。屏四星。在端門內。近左執法。

翰

傳云。翰。幹。○釋詁云。楨。幹也。舍人曰。正。築墻所立兩木也。幹所以當墻兩邊障土者。

鴛鴦篇

鴛鴦

古今注云。鴛鴦。水鳥。鳧類。雌雄未嘗相離。人得其一。則一者相思。死。故謂之匹鳥。○荆楚記云。節木鳥。鴛是也。○食療本艸云。食鴛肉。令人美麗。夫婦不和。與食。立相憐愛。○雅翼云。歸藏曰。有鳧鴛鴦。蓋鳧屬。雄名為鴛。雌名為鴦。大如鴛。杏黃色。頭戴白長毛。垂至尾。尾翅皆黑。黃赤五采者。有纓者。皆鶻鶻耳。

畢

月令云。羅罔畢翳。注云。罔小而柄長。謂之畢。○大

東傳云畢所以掩兔。疏云象畢星爲之。

廐

說文云廐馬舍也。○曲禮云君子將營宮室宗廟爲先廐庫爲次。○周禮校人云三乘爲皂三皂爲繫六繫爲廐六廐成校圉師掌春除蓐繫廐。○釋名云廐鳩也聚也牛馬之所聚也。○左傳疏云凡馬春分百艸始繁則牧于坰野秋分農功始藏水寒艸枯則皆還廐此周典之制也。○星經云天廐十星在壁北主天子馬坊廐苑之官也。

類并篇

蔦

爾雅云寓木宛童郭云寄生樹一名蔦。○陸機云葉似當盧子如覆盆子赤黑恬美。○本艸云桑上寄生其實明目輕身通神一名寄屑一名寓木一名宛童一名蔦生弘農川谷桑樹上三月三日採莖葉陰乾陶隱居云桑上者名桑上寄生爾詩云施于松上方家亦用楊楓上者各隨其樹名之生樹枝間寄根在皮節之內葉圓青赤厚澤易折芴

自生枝節。冬夏生。四月花白。五月實赤。大如小豆。蘇恭云。此多生榭。樛柳水楊。楓等樹上。子黃。大如小棗。實九月始熟。陶說非也。圖經云。寄生。云是烏鳥食物。子落枝節間。感氣而生。葉似橘而厚軟。莖似槐枝而肥脆。三四月開花。黃白色。六七月結實。黃色如小豆。

女蘿

毛公云。女蘿。菟絲。松蘿也。○陸機云。菟絲。蔓連艸上。黃赤如金。今合藥。菟絲子。是也。非松蘿。松蘿自

蔓松上生枝。正青。與菟絲殊異。○本艸云。松蘿。一名女蘿。生熊耳山川谷松樹上。五月採。○藥性論云。松蘿能治寒熱吐客痰。

按菟絲名女蘿。爾雅所云是也。松蘿亦名女蘿。博雅及本艸所云是也。古詩云。與君為新婚。兔絲附女蘿。李善云。二者異艸。毛公誤合為一。此詩女蘿。施松。自是松蘿耳。與兔絲了無涉。釋文云。在艸曰兔絲。在木曰女蘿。亦非。蓋兔絲亦蔓延于木也。

霰

霓霧同

箋云。將大雨雪。始必微温。雪自上下。遇温氣而搏。謂之霰。久而寒勝。則大雪矣。○爾雅云。雨霓為霄。雪。疏云。水雪雜下也。因名霄雪。霄即消也。○月令。仲冬行夏令。則天時雨汁。注。雨雪雜下為汁。○大戴禮曾子云。陽之專氣為霰。陰之專氣為雹。盛陽之氣在雨水。則温煖。為陰氣薄而脅之。不相入。則搏為雹也。盛陰之氣在雨水。則凝滯而為雪。陽氣薄而脅之。不相入。則消散而下。因水而為霰。○穀

瀋音色

梁說云。霽者。陰脅陽之象。霰者。陽脅陰之符。○釋名曰。霰星也。水雪相搏。如星而散。○宋書符瑞志云。韓詩曰。先集維霰。薛君注。霰英也。花葉謂之英。然則霰為花雪。○埤雅云。說文曰。霰稷雪也。閩俗謂之米雪。言其霰粒如米。所謂稷雪。義蓋如此。今名瀋雪亦名濕雪。

車牽篇

鷓

爾雅云。鷓雉。郭云。即鷓鴣也。長尾。走且鳴。○說文

詩名物疏

卷四十四

五

瀋

云鶴走鳴長尾雉也。乘輿以尾為防鉞者馬頭上。
 ○陸機曰鶴微小于雉走而且鳴色如雄雉尾如
 雉尾而長其頭上有肉冠冠上叢毛長數寸如雄
 雉尾角肉甚美故林麓山下人語曰四足之美有
 鹿兩足之美有鶴○山海經曰女几之山多白鶴
 ○禽經云火為鶴亢為鶴○薛綜云雉之健者為
 鶴尾長六尺。

青蠅篇

青蠅

王充云青蠅所污常在練素○段成式云青蠅糞
 能敗物雖玉亦不免所謂蠅矢點玉○陸佃云青
 蠅首赤如火背若負金傳曰以冰致蠅蠅逐臭者
 懷蛆繁利喜煖惡寒故遇冰輒側翅遠引○劉執
 中云蛆蟲變成者青蠅也其止于物則穢敗之又
 從而生蛆蛆復變為蠅穢敗于物無有紀極。

賓之初筵篇

筵 詳見邶風席

春官司几筵注云筵亦席也鋪陳曰筵籍之曰席

○說文云筵竹席也。周禮曰度堂以筵。筵一丈。○釋名云筵衍也。舒而平之。衍衍然也。○陳氏云筵席之制短不過尋。長不過常。中者不過九尺。公食大夫蒲筵常。萑席尋。匠人明堂度九尺之筵。純緣之制。上不過黼。下不過緇布。○儀禮鄉射。席賓南面。東上。衆賓之席繼而西。席主人於阼階上。西面。蒲筵。緇布純。西序之席北上。大射小臣設公席於阼階上。西鄉。司宮設賓席於戶西南面。有加席。

核

天官籩人饋食之籩。其實棗栗桃乾蓀榛實。

射互見鄭風射

傳云燕射之禮。箋云大射。

按天子諸侯射禮有三。曰大射。曰賓射。曰燕射。大射是將祭擇士之射。賓射是諸侯來朝。天子入與之射。或諸侯相朝而與之射。燕射是息燕而與之射。其侯大射張皮侯而棲鵠。賓射張采侯。燕射張獸侯。其射之處。則大射先習於澤。後射於射宮。天子射宮蓋在廟。鄉射記云於郊則

間中則天子大射亦在虞庠諸侯在太學也賓射天子在朝射人云諸侯在朝則皆北面是也諸侯在國內與天子同在朝或國外相會則在竟故鄉射記云於竟則虎中也燕射則在於路寢以燕禮朝服於寢故也十耦則大射賓射王以六耦畿內諸侯以四耦畿外諸侯卿大夫士皆三耦燕射例同三耦而已此詩毛以為燕射鄭以為大射按燕禮大射禮諸侯與其臣行禮皆宰夫為主人納賓及庭公降一等揖之公升

席賓升自西階主人從之賓右北面再拜賓答拜主人降洗賓降主人辭降主人取觚洗賓辭洗主人卒洗賓揖升筵前獻賓賓拜受爵于筵前然後賓升筵是初筵折旋揖讓之事也飲酒孔偕云者二禮賓主獻酬及獻公之屬是也鐘鼓既設者燕禮云樂人縣又云若射如鄉射之禮鄉射云樂正適西方命弟子贊工遷樂于下注云當辟射也然則此設鐘鼓亦為將射改縣也王宮縣階間有妨射位與國君大射軒縣及

言不物正 卷四四 三百廿八
階間但有鼓者不同。明天子大射當改縣矣。燕射準鄉射。自然當改縣也。云舉酬逸逸者。是二禮勝爵于公之後。爲賓爲卿爲大夫舉旅之禮也。鄉射大夫士禮則無舉旅之文。大侯既抗云者。燕射自天子至士皆一侯。上下共射之。鄉射記所云天子熊侯白質。諸侯麋侯赤質者也。大射之侯。則天子虎熊豹。畿外諸侯熊。糝。豕。畿內諸侯熊。豹。天子自射虎侯九十弓。畿外諸侯自射熊侯。亦九十弓。故大射禮謂熊侯爲大侯。此

大侯在。天子則虎。在國君則熊也。鄉射張侯。下綱不及地。武不繫。左下綱中掩束之。既納射器。比三耦。司正爲司馬。命張侯。弟子脫束。遂繫左下綱。所謂既抗者也。鄭則以大射前射三日。量人巾車已張三侯。明天子三侯。亦射前三日。張之。故以抗爲棲鵠于侯中。然大射亦云張三侯。不繫左下綱。射末巾車量人解左下綱。但將射。無繫左下綱之節。或文不具耳。鄭未爲的論也。自是司射誘射。既射兩番。釋獲。司射命設豐。司

言不特正
卷四
九
宮士奉豐由西階升。坐設于西楹西。勝者之弟子洗觶升酌散。南向坐奠于豐上。司射及三耦及衆射者勝者皆袒決。遂執張弓。不勝者皆襲脫決。拾却左手。右加弛弓于其上。遂執拊。勝者先升堂。不勝者進。北向坐。取豐上之觶。與少退立卒觶。坐奠于豐下。三耦卒飲。衆皆繼飲。射爵如三耦。及第三番用樂射。不勝者升飲。亦如初儀。所謂罰不勝之爵也。由是則旅酬及于士。而禮終矣。此燕射大射之禮。大率然也。毛說以此

爲燕射。至次章籥舞笙鼓十句。所說不明。王肅以爲燕樂之義得。則能進樂其先祖。故言烝烝。非是。實祭。不思祭祀。感神獲福。與燕何涉。可謂牽率之甚矣。其釋賓載手仇二句云。主人請射于賓。賓許諾。自取其匹以射。主人亦入于次。又射以耦賓。考之禮。則請射者司射。非主人自請也。耦者有司所比。非賓自取也。不知毛何以云然。朱傳稱熊侯白質諸語。及三耦皆據燕射。又引大射宿縣之文。未知朱子之意。以此爲大射

乎。抑燕射乎。

然未的 互見齊風侯

傳云的質也。孔氏云。周禮鄭眾馬融注皆曰十尺曰侯。四尺曰鵠。二尺曰正。四寸為質。王肅云。質方六寸。鄭以大射之侯。其中制皮為鵠。賓射之侯。其中采畫為正。正大如鵠。中皆居侯中三分之一。此傳惟云的質也。蓋亦以為所射處與鄭同。燕射則謂長侯白質者。

子孫奏能

鄭氏云。士之祭禮。上嗣舉奠。因而酌尸。天子則有子孫獻尸之禮。○劉瑾云。特牲三獻之後。長兄弟洗解獻尸。尸飲畢。酢之。長兄弟受而卒爵。少牢下篇三獻之後。亦有二人洗解酌獻之禮。各奏爾能。謂此類與。

室人

孔氏曰。特牲注云。佐食。賓佐尸食者也。謂于賓客之中。取人令佐主人為尸。設饌食。特牲佐食一人。少牢佐食二人。未知天子諸侯當幾人也。特牲三

詩名勿流

卷四十四

七

見

獻之後。長兄弟洗觚為加爵。又曰。衆賓長為加爵。
 注云。大夫三獻而禮成。多之者為加。是賓手挹酒。
 室人復酌為加爵也。特牲止有賓長為加爵。不及
 佐食。此言賓與室人俱為加爵者。天子之禮大故。
 佐食亦為加也。○特牲記云。佐食玄端。玄裳黃裳。
 雜裳可也。皆爵鞞。佐食當事則戶外南面。無事則
 中庭北面。凡祝呼。佐食許諾。佐食于旅。齒于兄弟。
 朱子云。監史。司正之屬。燕禮鄉射。恐有解俵夫禮

監

者。立司正以監之。察儀法也。○鄉飲酒禮鄉射禮
 曰。作相為司正。燕禮曰。射人為司正。大射曰。擯者
 遂為司正。

史

呂東萊云。淳于髡說齊威王曰。賜酒大王之前。執
 法在旁。御史在後。此人君燕飲之制。猶存于戰國
 者也。立之監。即執法也。鄉射注所謂立司正以監
 察儀法者也。佐之史。即御史也。董氏所謂佐之史
 以書之者也。○周禮大史掌建邦之六典。小史掌

寺子勿流

卷四十四

十一

尾

邦國之志。內史讀四方之事書。掌書王命。外史掌書外令。達書名于四方。御史掌邦國都鄙及萬民之治令。以贊冢宰。掌贊書。凡數從政者。○禮記云。史載筆。士載言。又云。動則左史書之。言則右史書之。○大戴禮云。太子既冠成人。免于保傅。則有司過之史。○韓詩外傳云。據法守職。而不敢為非者。太史令也。○左傳云。君舉必書。書而不法。後嗣何觀。○史通云。古者言為尚書。事為春秋。左右二史分尸其職。管軒轅受命。倉頡沮誦。實居其官。由禮

曰。史載筆。大事書之于策。小事簡牘而已。至于諸侯列國。亦各有史官。

羖

諭音俞
羖音歷

爾雅云。夏羊。牡羖。牝羖。注云。夏羊。黑羖。羖也。今人便以牂羖為白黑羊名。○羅氏云。羖本夏羊牝者之名。吳羊白。夏羊黑。羖羊之角。主明目安心。益氣輕身。辟鬼魅。虎狼療疥。蟲蠱毒結氣。止寒泄。為用最。大而詩云。俾出童羖。脅呂必無之物。猶言而無實。不為用也。羖在今世。但為黑羊之名。不取牝義。

鎬水在陝西西安府城西北十八里。上承鎬池。下流合瀧池水。鎬京城在咸陽縣西南。

北十采菽篇

黼黻

賈氏曰。黼謂白黑。為形則斧文。詳見九罭袞衣。

檻泉

濫檻同

爾雅云。濫泉。正出。正出涌出也。李巡曰。水泉從下上出曰涌泉。○釋名云。水正出曰檻泉。濫銜也。如人口有所銜。口開則見。

芹

爾雅云。芹。楚葵。注。今水中芹菜。○本艸。水芹。味其平。主養精。保血脈。益氣。令人肥健。嗜食。一名水英。陶隱居云。二三月作英時。可作菹。及熟爇食之。又有渣芹。可生噉。別本注云。芹有兩種。青芹取根白色。赤芹取莖葉。並堪作菹。圖經云。生水中。葉似芎藭。花白色。而無實。根亦白色。○孟詵云。水芹置酒漿中。香美。高田者名白芹。○周禮。醢人云。加豆之實。芹。菹。兔醢。○呂氏春秋。伊尹曰。菘之美者。雲夢。

言不... 賜則六命賜官。七命賜國。八命作牧。九命作伯。司
士以德詔爵。以功詔祿。以能詔事。以久奠食。○禮
記云。天子三公九卿二十七大夫八十一元士。大
國三卿。皆命於天子。下大夫五人。上士二十七人。
次國三卿。二卿命於天子。一卿命於其君。下大夫
五人。上士二十七人。小國二卿。皆命於其君。下大
夫五人。上士二十七人。又云。司馬辨論官材。論進
士之賢者。以告于王。而定其論。論定然後官之。任
官然後爵之位定。然後祿之。○禮合文嘉云。殷爵

二等。周爵五等。

爾雅云。猱。暖善援。獾。父善顧。注云。猱。暖便攀援。獾

音鑊。父音。猱音。加。

父。獾。獾也。似獼猴而大。色蒼黑。能攫持人。好顧盼。
○說文云。獾。貪獸也。一曰。毋猴。似人。○陸機云。猱

獸音。柔。

獼猴也。楚人謂之沐猴。老者為猱。長臂者為獾。獾
之白腰者為獾胡。獾胡。獾駿捷於獼猴。其鳴噉噉
而悲。○廣雅云。猱。狙。獼猴也。○顏師古云。獾善拂

拭。○相如賦。蛭。蜩。獾。猱。顏注。今戎皮為鞍褥者。非

詩名物流

卷四十五

四

猱考戎

秘吐敢反

彌猴也。○陸佃云。猱蓋猿狝之屬。輕捷善緣木。大
 小類猿。長尾。尾作金色。俗謂之金線猱。生川峽深
 山中。人以藥矢射殺之。取其尾為臥褥。鞍被坐毯。
 中矢毒。即自齧斷其尾以擲之。猱一名猱。顏氏以
 為其尾柔長可籍。故其制字從柔。以此故也。○嚴
 粲云。猱即王孫也。杜詩。覓胡孫是也。○元康地記
 云。猱與彌猴不共山宿。臨旦相呼。○王延壽王孫
 賦云。儲糧食於兩頰。稍委輸於胃脾。緣百仞之高
 木。攀窈裊之長枝。○柳子厚云。猱王孫居異山。德

異性。不能相容。猱之德靜以恒。王孫之德躁以囂。
 勃譁號呶。雖羣不相善也。食相噬齧。行無列。飲無
 序。乖離而不思。有難推其柔弱者。以免。好踐稼蔬。
 所遇狼籍披攘。禾實未熟。輒齧投注。山之小艸
 木。必凌挫折撓。○江乘地記云。攝山有山猱。赤足。
 ○鳥獸考云。猴詩謂之猱。性躁而多智。猱其性不
 按猱字。說文作猱。今文作猱。或作猱。又作猱。猱
 屬。陸機云。彌猴也。嚴粲云。即王孫也。據元康地
 記云。猱與彌猴不共山宿。與柳子厚說猱王孫

居異山相符。王延壽云儲食兩頰。爾雅翼釋猴亦
亦有此說。則猱信為猴矣。而師古及陸羅二氏俱
以猱猴為異物。故埤雅以猱為狻而別。見猴
今吳俗指猴為猱。亦謂之胡孫。既已混甚。都不
聞猱與王孫之名。未_知異同。

附

箋云。附。木桴也。疏云。木表之麤皮。

髦

箋云。髦。西夷別名。武王伐紂。其等有八國從焉。○

同
髦音義

牧誓及庸蜀羌髳微瀘彭濮人。○括地志。姚府以
南。古髳國之地。有髳州。○一統志。雲南楚雄府定
遠縣。唐初置西濮州。貞觀中改髳州。姚安軍民府
大姚縣。唐屬髳州。

都人士篇

緇撮

儀禮緇布冠。缺項。青組纓。屬于缺。注。缺讀如頰。緇
布冠。無笄者。著頰圍髮際。結項中。隅為四綫。以固
冠也。項中有緇。亦由固頰為之耳。今未冠笄者著

綱緇反

詩名物疏

卷五

六

卷幘頰象之所生也。又云。賓筵前正纚。右手執項。左手執前。○郊特牲曰。大古冠布。齊則緇之。其綏也。孔子曰。吾未之前聞也。冠而敝之可也。玉藻曰。始冠。緇布冠。諸侯下達。緇布冠。績綏。諸侯之冠也。雜記。大白。緇布冠。不綏。又曰。大夫卜宅與葬日。緇布冠。不綏。○陳氏云。緇布冠。有前有項。纓屬于缺。無綏。後世以尊者不可無飾。故加績綏。用於始冠。及大夫之卜宅與葬日而已。庶人或以爲常服。用於始冠。則玄端玄裳黃裳。雜裳。緇帶。爵鞞。用于卜撮。則無梁矣。

吉

左傳。鄭石癸曰。吾聞姬姑耦。其子孫必蕃。姑。吉人也。后稷之元妃也。○國名記云。邳。黃帝之宗。見詩。風俗通云。殷時侯國。一作吉。潛夫論云。邳與姑全而字異。○唐宰相世系云。吉氏出自姑姓。黃帝裔伯儵。封於南燕。賜姓曰姑。

箋云。蟬必垂厲為飾。厲字當作裂。○內則。男蟬革。女蟬絲。注云。蟬。小囊盛帨巾者。男用韋。女用繒。有飾緣之。則是蟬厲與。詩云。垂帶如厲。疏云。此是鄭義。若如服杜左傳。蟬厲注。則以蟬為太帶。厲是大帶之垂者。○小爾雅云。帶之垂者謂之厲。

詩義疏云。蠶一名杜。伯河內謂之蚊。幽州謂之蠹。○通俗文云。長尾為蠶。短尾為蠹。○左傳云。逢蠶蠶。

有毒。○葛洪方云。蠹中國多此。江南無也。○陶隱居云。蠹有雌雄。雄者螫人痛止在一處。雌者痛牽諸處。○段柯古云。鼠負巨者多化為蝎。蝎子多負于背。蝎前謂之螫。後謂之蠶。常為蝸牛所食。以迹規之不能去。○雅翼云。說文。蠶字象形。蓋象其奮螫曳尾之形。蜥蜴能食之。

采綠篇

爾雅云。歲馬藍部云。今大葉冬藍也。疏云。今為澱

歲音歲

言名物正 卷四三
者是。○夏小正曰。五月。啓灌藍蓼。啓者別也。陶而
疏之也。灌者叢生者也。記時也。○禮記曰。仲夏令
民毋艾藍以染。注云。爲傷長氣也。此月藍始可別。
○蘇恭云。藍實有三種。一種圍徑三寸許。厚三四
分。出嶺南。名木藍子。松藍堪切爲澱。本艸經所用。
乃是蓼藍實。其苗似蓼而味不辛者。松藍惟堪染
青。蓼藍不堪爲澱。惟作碧色。○圖經云。藍實人家
蔬圃中作畦種時。二四月生苗。高二三尺。葉似水
蓼。花紅白色。實亦若蓼子而大。黑色。五六月採實。
即蓼藍也。松藍即爾雅所謂馬藍。又福州有一種
馬藍。四時俱有。江寧有吳藍。二三月生。如蒿。葉青
花白。○荀子云。青出於藍。而青於藍。○四民月令。
榆莢落時可種藍。五月可刈藍。六月可種冬藍。○
齊民要術云。種藍。一曰蔡法。藍三葉澆之。薶治令
淨。五月中新雨後。即拔栽之。

也。八兩襜。

○熟書云。漢人以白曰藍。

爾雅云。衣蔽前謂之襜。郭璞云。今蔽膝。

黍苗篇

良車如

詩名物正

卷四三

七

輦互見車攻徒

說文輓車也。从車。扶在車前引之也。扶音伴。並行也。从兩夫。○漢書注。駕人以行曰輦。

謝詳見王風申

泚音彼

水經注云。泚水又西南流。謝水注之。出謝城北。○國語注。邾南謝北。號鄆在焉。

白華篇

白華詳見陳風菅

爾雅云。白華。野菅。

灇池

水經注。鄆水又北流。西北注。與灇池合。水出鄆池西。而北流入于鄆。世傳以為水名。○九域志。京兆府冰池。按十道志。名灇池。亦名聖女泉。○一統志。鄆水下流合灇池水。灇水在西安府城西北二十里。發源咸陽縣之灇池。西北合鎬水。

熒

熒音惠

爾雅云。熒。炷也。鄆璞曰。今之三隅竈。○說文曰。行竈也。○孔氏曰。炷者無釜之竈。止以燃火照物。若

今火爐。

鶯

埤雅云。鳧雁醜翁。鶯鶴醜鶯。鶯性貪惡。俗呼禿鶯。長頸赤目。其毛辟水毒。劉楨賦云。綠蠹葱鶯。鶯色蓋青也。○古今注云。扶老禿鶯也。狀如鶴而大大者高八尺。善與人鬪。好啖蛇。○禽經云。扶老強力。注。食之益人氣力。走及奔馬。○魏書崔光云。貪惡之鳥。野澤所有。

石

傳云。王乘車履石。○夏官隸僕云。王行則洗乘石。先鄭云。乘石。所登上車之石也。○禮書云。乘石。王與后乘車於是登降也。設于兩階。

縣蠻篇

丘阿丘隅

傳云。丘阿。曲阿也。○鄭注大學止於丘隅云。鳥擇岑蔚安閒而止處之。疏云。岑謂巖險。蔚謂艸木蒼蔚。

漸漸之石篇

詩名物疏

卷四十五

七

說文云。水涌流也。

茗之華篇

茗

蕙音標
麥音沛

爾雅云。茗。陵茗。黃華蕙。白華芡。郭璞曰。一名陵時。本草云。疏云。詩茗之華。鄭箋云。陵茗之華。紫赤而繁。陸機亦言其華紫色。而此云黃白者。蓋就紫色中有黃紫白紫耳。及其將落。則全變為黃。故詩曰。芸其黃矣。○陸機云。一名鼠尾。生下溼水中。七八月中。華紫。似今紫艸。可滌皁。煮以沐髮。即黑。葉青

如藍而多華。○廣志曰。茗艸色青黃。紫華。十一月稻下種之。蔓延盛茂。可以美田。葉可食。○本艸云。紫葳。一名陵茗。一名芡華。生西海川谷。及山陽。圖經云。陵霄花也。多生山中。人家園圃。亦或種。蔞。初作藤。蔓生依大木。歲久延引。至巔而有華。其華黃赤。夏中乃盛。○雅翼云。此華亦彌絡石壁。盛夏視之如錦繡。不可仰望。露滴目中。有失明者。

按陵茗即陵霄也。故本艸云。一名芡華。與爾雅合。陸機疏則以為鼠尾。爾雅云。勤。鼠尾。注云。可

勤音擊

詩名物流

卷四十五

三

藜藿

以洙阜。本艸經云。鼠尾艸。有白華者。赤華者。一名藜。一名陵翹。生平澤中。四月採葉。七月採華。陶隱居云。田野甚多。人採作滋洙阜。圖經云。苗未如蒿。夏生。莖端作四五穗。穗若車前。與陸詵生下濕。七月花。可染阜者相似。則陸誤以陵若為鼠尾矣。又或以紫葳為瞿麥根。瞿麥。即爾雅所為大菊。蘧麥。亦非也。若斷即女葳。陸機疏。全謬。不可從。

粉日墳

爾雅云。羊牡粉。牝牂。郭云。謂吳羊。○博雅云。吳羊牝一歲曰特。牂。三歲曰牂。

何草不黃篇

棧車

傳云。棧車。役車也。箋云。輦者。疏云。有棧是車狀。非士所乘之棧也。庶人乘役車。蟋蟀言役車。其休是矣。彼不以人輓。知不與此同。詩緝云。疏說不分曉。不如徑以為士之棧車。○春官巾車云。士乘棧車。庶人乘役車。注云。棧車。不革輓而漆之。役車。方箱。

可載任器以共役。○考工記云飾車欲侈。棧車欲
弁。

六家詩名物疏卷四十六

海虞馮復京嗣宗輯著

大雅文王之什一

文王篇

商

鄭譜曰商者契所封之地。孔氏曰湯取契之所封。

以爲代號。○皇甫謐云在上洛商縣。○括地志商

州城八十里商洛縣本商邑。古之商國商所封。○

補傳云地有商山。因是得名。○里統志陝西西安

高古契

詩名物疏

卷四十六

一

見

府商縣在府城東南二百六十里本契始封地商
洛山在縣東南九十里

以爲外殷○皇清前云古土

鄭氏曰湯始居亳之殷地孔氏曰殷是亳地之小

別○書序云盤庚將治亳殷注商家改號曰殷○

括地志云宋州穀熟縣西南三十五里南亳故城

即南亳湯都也宋州北五十里大蒙城爲景亳湯

所盟地因景山爲名河南偃師爲西亳帝嚳及湯

所都盤庚亦徙都之○黃氏曰二亳南亳北亳亳

殷也南亳今應天府穀熟縣北亳拱州考城縣亳

殷河南偃師縣○周氏曰商人稱殷自盤庚始自

此以前稱商自盤庚既都亳于是殷商兼稱或單

稱殷

按一統志河南開封府歸德州古之商丘相土

所居也穀熟縣省入本州之夏邑州城東南四

十五里有亳城即南亳也睢州考城縣宋屬拱

州景山在其境內商之北亳也河南府偃師縣

契父嚳所都湯自商丘遷焉後仲丁遷囂河亶

甲居相祖乙居耿又遷于邢書所謂不常厥邑于今五邦者也盤庚復涉河南治亳改國號曰殷即西亳也古今言殷地皇甫謐張守節蔡沈之徒皆以為即偃師王伯厚地里考引括地志云相州安陽縣本盤庚所都即北冢殷墟南去朝歌城百四十里竹書紀年盤庚自奄遷北冢曰殷墟南去鄴四十里則又以今彰德府安陽縣為西亳未詳孰是

裸將

果讀曰裸

周禮小宰祭祀贊王裸將之事注云將送也贊王酌鬱鬯之酒以獻尸謂之裸裸之言灌也明不為飲主以祭祀唯人道宗廟有裸天地大神至尊不裸莫稱焉凡鬱鬯受祭之啐之奠之又云凡賓客贊裸內宰后裸獻則贊凡賓客之裸獻皆贊大宗伯大賓客攝后載果小宗伯凡祭祀賓客以時將肆裸肆師祭祀賓客贊裸將鬱人凡裸事和鬱鬯司尊彝祠禴裸用鷄彝鳥彝嘗蒸裸用畢彝黃彝追享朝享裸用虎彝雉彝行人諸公再裸而酢侯

伯子男一裸而酢。○禮器云。諸侯相朝。灌用鬱鬯。郊特牲云。周人尚臭。灌用鬯臭。既灌。然後迎牲。祭統曰。君執圭瓚裸尸。大宗執璋瓚亞裸。又云。獻之屬莫重于裸。

無荒于友

冠禮記云。周弁。殷冔。夏收。注云。冔名出于無。無。覆也。言所以自覆飾也。齋所服而祭也。其制之異未聞。疏云。案漢禮器制度。弁冕。周禮弁冕。相參考之。冕以木為體。廣八寸。長尺六寸。績麻三十束。升布為

之。上以玄。下以纁。前後有旒。尊卑各有差等。但夏殷禮亡。制與周異。故云未聞。○禮記云。有虞氏。皇而祭。夏后氏。收而祭。殷人。皐而祭。周人。冕而祭。陳祥道云。皇。收而下皆冕也。○世本云。胡曹作冕。注云。黃帝臣也。蓋冕服起于黃帝。加飾起自唐虞。○白虎通云。殷冔。謂之詡者。十二月之時。施氣受化。詡張而後得牙。故謂之詡。○論語疏云。冕。俛也。以其前高後下。有俛仰之形。故因名焉。

大明篇

適

左傳云。王后無嫡。則擇立長。年鈞以德。德鈞以卜。
○公羊傳云。立適以長。不以賢。○禮書云。父服長
子三年。祖服適孫。以其傳重也。

云黃帝擊

周語。摯疇之國由犬任。注云。摯疇二國。奚仲仲虺
之後。大任之家。○唐書世系表云。祖已七世孫曰
成。徙國於摯。○國名記云。蔡之平輿有摯亭。○一
統志云。平輿故城在河南汝寧府城東。

任

國語司空季子云。黃帝之子十二姓。姬酉祁已滕
歲任荀僖。姑偃依是也。○玉海云。仲虺居薛。臣扈
祖已皆其胄裔。

嬪

釋親云。嬪。婦也。○書曰。嬪于虞。

京

箋云。京。周國之地。小別名。

洽

詩名勿流

卷四

五

潘

地里志云。左馮翊郃陽縣。在郃水之陽。○水經注云。郃陽城南有漢水。東流注于河。水南猶有文母廟。前有碑。去城十五里。水即郃水也。縣取名焉。○一統志陝西西安府同州郃陽縣。在州城東北百二十里。以在郃水之陽故名。郃水在郃陽縣。來自西北。經縣北。東入黃河。縣東四十里有太姒墓。

穀梁傳云。水北為陽。水南為陰。

嘉

朱傳云。嘉婚禮也。○周禮。大宗伯以嘉禮親萬民。以昏冠之禮親成男女。

文定厥祥

朱傳云。言卜得吉。而以納幣之禮定其祥。○士昏禮云。下達納采。用雁。請問名。納吉。用雁。如納采禮。納徵。玄纁束帛。儷皮。如納吉禮。請期。如納徵禮。記曰。納吉曰。吾子有貺命。某加諸卜。占曰吉。使某也。敢告。納徵曰。吾子有嘉命。貺室某也。某有先人之禮。儷皮束帛。使其某也。請納徵。○周禮。媒氏云。凡嫁

女娶妻入幣。純帛無過五兩。玉人云。穀圭。天子以聘女。大璋。諸侯以聘女。○雜記云。納幣一束。束五兩。兩五尋。昏義云。納采。問名。納吉。納徵。請期。皆主人筵几於廟。拜迎於門外。入揖讓而升。聽命於廟。○賈公彥云。納幣。士大夫以玄纁束帛。天子加穀圭。諸侯加大璋。庶人用緇無纁。○孔穎達云。納幣昏禮謂之納徵。

親迎

郊特牲曰。親迎。男先於女。剛柔之義也。執摯以相

見。敬章別也。壻親御授綏。親之也。出乎大門而先。男帥女。女從男。夫婦之義由此始也。哀公問曰。冕而親迎。不已重乎。孔子曰。合二姓之好。以繼先聖之後。以爲天地宗廟社稷之主。君何謂已重乎。昏義云。父親醮子而命之迎。男先於女也。子承命以迎。主人筵几於廟。而拜迎於門外。壻執雁入。揖讓升堂。再拜奠雁。蓋受之於父母也。降出御婦車。而壻授綏。御輪三周。先俟于門外。婦至。壻揖婦以入。共牢而食。合卺而醕。所以合體同尊卑。以親之也。

○昏禮記曰。父醮子。命之辭曰。往迎爾相。承我宗事。勗帥以敬。先妣之嗣。若則有常。○禮書。趙氏曰。王者之尊。天下莫敵。故嫁女。則使諸侯主之。適諸侯。諸侯莫敢有其室。若屈萬乘之尊。行親迎之禮。則何莫敵之有乎。夫子對哀公云云。非為天子發也。左氏謂諸侯不親迎。公羊謂天子亦親迎。其說不能全與經合。當以趙氏為正。

造舟

釋水云。天子造舟。諸侯維舟。大夫方舟。士特舟。庶

人乘泚。鄭璞曰。造舟。比船為橋。維舟。維連四船。方舟。并兩船。特舟。單船。泚。并木以渡。○孔氏曰。造舟者。比船於水。加板於上。即今之浮橋。故杜預云。造舟為梁。則河橋之謂也。維舟以下。則水上浮而行之。但船有多少。為等差耳。○左傳疏云。造為至義。言船相至而並比。

大谷之莘。莘。姒姓。禹後。○唐世系表。成封支子於莘。

○水經注云。郟陽城。故有莘邑。太姒之國。○國名

寺名勿流。

寺名勿流。

記云。今同之。夏陽。漢郃陽。有太姒冢。城祠廟。晉散
 宜生求有莘氏美女。獻紂。周代有神降之。本號地。
 大名之莘縣有莘亭。亦國也。齊蔡管城。陳畱俱有
 莘。○一統志。莘城在西安府郃陽縣南二十里。本
 莘國。○水經注。少無莘。○古詩。云。昔無莘。○
 牧說文作毋。○周書牧誓云。甲子昧爽。王朝至于
 商郊。牧野。注云。紂近郊三十里地名。牧。疏云。牧是
 郊上之地。戰在平野。故言野耳。○周書克殷曰。周

車三百五十乘。陳于牧野。○水經注云。自朝歌以
 南暨清水。土地平行。據臯跨澤。悉毋野之地。故詩
 稱毋野洋洋。竹書紀年曰。武王率西夷諸侯伐殷。
 敗之于毋野。○皇甫謐曰。在朝歌南七十里。○一
 統志。河南衛輝府汲縣。本殷牧野之地。牧野在府
 城南陵西。社朝歌之南。武王伐紂。陳師于此。

馮子來

爾雅云。駟馬白腹。駟。注云。駟。赤色黑鬣。○檀弓云。

周人尚赤。戎事乘駟。○傳云。駟。言上周下殷也。○

詩名物疏

卷四

九

見

言名物疏 卷四
埤雅云。鵠从鵠省。鵠淺赤也。

鵠音來

爾雅云。鷹。鵠鳩。注云。鵠當為鵠。左傳作鵠。鳩是也。
○月令云。仲春。鷹化為鳩。季夏。鷹乃學習。孟秋。鷹乃祭鳥。王制云。鳩化為鷹。然後設罝羅。陳氏曰。仲秋也。○左傳。郊子曰。少皞氏鳥師。而鳥名。爽鳩氏。司寇也。杜預曰。爽鳩。鷹。鷲鳥也。故為司寇。主盜賊。
○運斗樞云。瑞光星散為鷹。立秋之日。鷹鷲擊。○廣志云。有雉鷹。有菟鷹。一歲為黃鷹。二歲為撫鷹。

鵠音韻

三歲青鷹。胡鷹。獲鷹。○禽經云。鷹不擊伏。鵠不擊妊。○隋魏彥深賦云。資金方之猛氣。擅火德之炎精。指重十字。尾貴合盧。立如植木。望似愁胡。觜全劍利。脚等荆枯。亦有白如散花。赤如點血。大文若錦。細斑似鵠。眼類明珠。毛猶霜雪。身重若金。爪剛如鉄。生於窟則好眠。巢於木則常立。雙髀長則起遲。六翮短則飛急。毛衣屢改。厥色無常。寅生酉就。總號為黃。二周作鵠。千日成蒼。雌則體大。雄則形小。遇犬驚猜。得人馴擾。○埤雅云。鵠次赤也。頂有

鵠披免反

寺名勿流 卷四
見

鷺青慈

毛角微起。今通謂之角鷹。○鳥獸考云。鷹類甚衆。維角雕黃者以鷹名。然角鷹有二種。一種青腳有毛。一種兩脚無毛。名鷺鷥角鷹。

鷺青慈

鷺青慈

鷺青慈

鷺青慈

鷺青慈

爾雅云。𦉰。𦉰。其紹𦉰。舍人曰。𦉰名𦉰。小瓜也。紹。繼。

謂𦉰子。漢中小瓜曰𦉰。孫炎曰。𦉰。小瓜子如𦉰。其本子小。紹先歲之瓜曰𦉰。邢昺曰。瓜本有二種。大曰瓜。小曰𦉰。而瓜蔓近本之瓜必小于先歲之大

搏音團
埴音植

瓜以其小如𦉰故謂之𦉰。𦉰是𦉰之別名。云地山

疏云。陶瓦器竈也。覆地室也。覆者。地上為之。穴者。

鑿地為之。○朱傳云。陶竈竈復重竈。穴土室也。○

考工記云。搏埴之工。陶旒有虞氏尚陶。○尸子曰。

昆吾作陶。○周書曰。神農耕而作陶。○賈公彥云。

古者窟居。隨地而造。若平地則不鑿。但累土為之。謂之為復。言于地上重複為之也。若高地則鑿為

坎。謂之為穴。其形皆如陶竈。復穴皆開其上取明。

穴其深者或謂之穴其淺者或謂之穴其開其土或謂
說文云土室也。○易曰上古穴居而野處。後世聖
人易之以宮室。○禮運云先王未有宮室冬居營
窟夏居橧巢。

岐山亦名天柱山。在鳳翔岐山縣東北
十里。○地理志右扶風美陽縣岐山在西北。中水
鄉周太王所邑。○水經注岐山歷周原下。北則中
水鄉。成周聚水。北即岐山。○河圖括地象云岐山

在崑崙東南。為地乳。上為天糜星。○一統志岐山
在陝西鳳翔府岐山縣東北十里。山有兩岐。故名。
亦曰天柱山。其峰高峻。狀若柱然。禹貢導沂及岐。
太王邑于岐山之下。文王時鳳鳴岐山。皆此也。俗
名鳳皇堆。

董

毛傳云董菜也。○詩緝云孔氏謂董即烏頭。則與

鴆毒同類。非茶菜可食之類矣。茶雖苦得霜甜脆。
故可言如飴。烏頭毒物不可食。何由知其如飴乎。

藟側入反

毛氏以藟為菜。不言毒物。○內則云：藟，苴粉榆。注云：苴似藟而葉大。○公食禮：鉶，芼皆。有滑。注云：滑，藟苴之屬。○說文云：藟，根如薺，葉如細柳，蒸食之。其。○爾雅云：齧，苦藟。郭云：今藟葵也。葉似柳，子如米，肉食之滑者。○本艸：藟汁味甘。唐本注云：此菜野生，非人所種，俗謂之藟菜，葉似薺，花紫色。朱傳云：藟，烏頭也。○爾雅云：芟，藟艸。郭云：即烏頭也。江東呼為藟。音斬。○晉語：驪姬置藟于肉，賈逵曰：藟，烏頭也。○國策云：人之饑，所以不食烏喙者。

藟音側

以其雖偷克腹而與眾同患也。○廣雅云：附子，一歲為煎子，二歲為烏喙，三歲為附子，四歲為烏頭，五歲為天雄。○本艸云：冬月採為附子，春採為烏頭。烏頭味辛甘，温，大熱，有大毒。一名奚毒，一名即子。一名烏喙，三寸以上為天雄。陶隱居云：春時莖初生，有腦，形似烏鳥之頭，故謂之烏頭。有兩歧，共蒂，狀如牛角。名烏喙，喙即鳥之口也。吳氏本艸云：烏頭，一名藟，一名千秋，一名毒公，一名果負，一名耿子。禹錫等云：正月始生，葉厚莖方，中空，葉四面。

藟音郎

詩名物流

卷四

生

三百廿八

相當與蒿相似。圖經云：烏頭烏喙天雄附子側子，都是一種。冬至前將陸田耕五七遍，以猪糞糞之。逐月耘耔，至次年八月後方成。苗高三四尺，莖四稜，葉如艾，花紫碧色。作穗實，小黑如桑椹。本只種附子，孰後有四物，長三二寸為天雄，附子旁尖牙角為側子，絕小者亦名側子。元種者為烏頭，其餘大小皆為附子。

按爾雅：齧苦董，本艸在菜部。毛公所云董菜，指此。若烏頭則但可謂之艸，不可謂之菜也。陸氏

蒲音商

釋文又引廣雅云：董，藿也。今三輔之言猶然。此爾雅所謂拜商藿，非此董也。

錫

餒音該

饒音唐

餒蘇簡反

內則云：棗栗飴蜜以甘之。○釋文云：飴，錫也。○方言云：錫謂之張皇，飴謂之餒。謂之饒。○說文云：飴，米蘖煎也。錫，飴和饒者也。○釋名云：飴，小弱于錫，形怡怡然也。

契

周禮：蕤氏掌共燠契，以待卜事。凡卜以明火蒸燠。

蕤音藥
燠音爵

遂歛其峻契以授卜師遂役之卜師凡卜事揚火以作龜致其墨。○士喪禮楚焯置于燋在龜東。○陳祥道云燋炬也契灼龜之木也契謂之峻亦謂之楚焯楚其材也焯其體也契其用也。○羅氏云禮圖楚焯以荆為之必以荆者凡木心圓荆心方卦之德方以知以其德方故以方木灼龜也。

司空

尚書僉曰伯禹作司空帝曰俞咨禹女平水土又曰司空掌邦土居四民時地利。○禮記云司空執

度度地量地遠近興事任力。○元命包云危東六星兩兩而比曰司空主水。○書大傳云溝瀆壅遏水為民害田廣不墾則責之司空。○家語曰司空之官以成禮度量不審舉事失禮都鄙不修財物失所曰貧貧則飭司空。○白虎通云司空主土不言土而言空空尚主之況於實乎。○漢官解詁云下理坤道上和乾光謂之司空。○環濟要畧云冬官司空掌邦事營城鄙都邑立社稷宗廟造瑩宅器械監百工。

臯門應門

毛云王之郭門曰臯門王之正門曰應門箋云諸侯之官外門曰臯門朝門曰應門內有路門天子之官加以庫雉疏云毛云郭門者官之外郭之門毛以諸侯之門不名臯應與鄭別○爾雅云正門謂之應門○朱子曰書天子有應門春秋書魯有雉門禮記云魯有庫門家語云衛有庫門皆無云諸侯有臯應者則臯應爲天子之門明矣意者太王之時未有制度特作二門其名如此及周有天子

下遂尊以爲天子之門而諸侯不得立也○周禮闔人掌守王宮中門之禁先鄭注云王有五門外曰臯門二曰雉門三曰庫門四曰應門五曰路門一曰畢門玄謂雉門三門也又云匠人營國應門二徹三个王宮門阿之制九雉○明堂位云庫門天子臯門雉門天子應門○禮書云臯門之內外朝也朝士建其法小司寇掌其政列三槐與九棘設嘉石與肺石而朝諸侯聽訟詢大事在焉應門之內治朝也司士正其位宰夫掌其法大僕正王

言名物正 卷四
之位。而王曰視朝在焉。路門之內。燕朝也。大僕正其位。掌擯相而族人朝焉。諸侯之外門曰庫門。魯以周公之故。猶不可稱臯門。應門。特爲臯應之制而已。○考索云。臯者遠也。明最在外。故曰臯。應門者。則居此以應治也。

冢土

詳見甫田社

傳云。冢土。大社也。美太王之社。遂爲大社。○祭法云。王爲羣姓立社曰大社。郊特牲云。天子大社。必受霜露風雨。以達天地之氣也。○禮書云。王之犬

社。土五色而冒以黃。其位則中門之右。社主陰故也。其壝北面。社嚮陰故也。其飾則不屋。記所謂大社。必受霜露風雨也。其表則木。傳所謂夏以松。商以柏。周以栗。是也。其方廣則五丈。其主則石爲之。

問

傳曰。小聘曰問。○大宗伯云。賓禮時聘曰問。○大行人云。凡諸侯之邦交。歲相問也。殷相聘也。世相朝也。○聘禮云。小聘曰問。不享。有獻不及夫人。主人不筵。凡不禮。面不升。不郊。勞其禮如爲介。三介。

鄭目錄云。大問曰聘。諸侯相於久無事。使卿相問之禮。小聘使大夫。○王制云。諸侯之於天子也。比年一小聘。三年一大聘。

楸

爾雅云。楸。白楸。郭云。楸。小木。叢生。有刺。實如耳瑠。紫赤可啖。○陸機云。王蒼說楸。即柞也。其材理全白。無赤心者。爲白楸。直理易破。可爲櫝車輻。又可爲矛戟矜。今人謂之白楸。或曰白柞。

混夷

箋云。夷狄國也。詳見出車西戎

虞芮

括地志云。故虞城在陝州河北縣東北五十里。虞山之上。古虞國。故芮城縣西二十里。古芮國。閒原在河北縣西六十五里。○晉太康地記云。虞西百四十里有芮城。○郡縣志云。閒原在平陸縣。即虞芮爭田。讓爲閒田之所。○史記注引地里志云。虞在河東太陽縣。芮在馮翊臨晉縣。正義云。注引芮在臨晉者。恐疎。閒原在河東。與虞芮相接。臨晉在

河西同州非臨晉芮城明矣。○一統志平陸縣在山西平陽府解州東南九十里芮城縣在州西南九十里閒田在平陸縣西五十里即虞芮相讓之地俗呼讓畔城。

棧樸篇

樸

樸屬叢生者
傳云樸枹木。○爾雅云樸枹者郭云樸屬叢生者為枹。

樸

樸古學

箋云祭皇天上帝及三辰聚積以燎之疏云月令注皇天為北辰耀魄寶上帝為五帝三辰即宗伯所云日月星辰也。○周禮大宗伯云以禋祀祀昊天上帝以實柴祀日月星辰以禋燎祀司中司命。○詩曰芄芄棧樸薪之標之三祀皆積柴實牲體焉或有玉帛燔燎而升烟所以報陽也。○禮記月令云季冬乃命四監收秩薪柴以共郊廟及百祀之薪燎祭法云燔柴於泰壇祭天也。

詩名物流

卷四

七

周

綱紀

說文云。網。網紘也。紀。別絲也。○尚書云。若網在綱。有條而不紊。

旱麓篇

旱

地理志。漢中郡南鄭縣旱山。沔水所出。東北入漢。○曹氏曰。旱山在梁山之境。與漢廣相近。故取以興焉。○周地圖記云。山上有雲即雨。○一統志。陝西漢中府南鄭縣附廓府城西南六十五里。有旱

山

麓

穀梁傳云。林屬于山曰麓。○漢書應劭云。麓。林之大者。○釋名云。山足曰麓。麓。陸也。言水流順陸。燥也。○周禮。林衡掌巡林麓之禁令。而平其守。以時計林麓。而賞罰之。若斬木材。則受法于山虞。而掌其政令。

楛

陸機曰。楛。其形似荆而赤。莖似著。上黨人織以為

牛管箱器。又屈以為釵。○禹貢。荊州貢楛。注云中矢幹。出雲夢之澤。

瓚 五見衛風圭斯于璋文王裸將


箋云。圭瓚之狀。以圭為柄。黃金為勺。青金為外。朱中央。○周禮典瑞云。裸圭有瓚。以肆先王。以裸賓客。注於圭頭為器。可以挹鬯。裸祭謂之瓚。漢禮瓚槃大五升。口徑八寸。下有槃。口徑一尺。玉人云。裸圭尺有二寸。有瓚。以祀廟。注云。瓚如槃。其柄用圭。有流前注。凡流皆為龍口。三璋之勺。形如圭瓚。○

侯蓋九寸以下也。

清酒

箋云。祭祀之事。先為清酒。○周禮酒正辨三酒之物。二曰清酒。注云。今中山冬釀。接夏而成。

六家詩名物疏卷四十六終



青
久
正
二
分
四
一
六

三
一
六
十
六

